

日知錄集釋

日知錄集釋卷二十八

崑山顧炎武著

嘉定後學黃汝成集釋

拜稽首

古人席地而坐引身而起則爲長跪首至手則爲拜手手至地則爲拜首至地則爲稽首此禮之等也君父之尊必用稽首拜而後稽首此禮之漸也必以稽首終此禮之成也今大明會典曰後一拜叩頭成禮此古之遺意也

古人以稽首爲敬之至周禮太祝辨九操一曰稽首注稽首拜中最重臣拜君之禮禮記郊特牲大夫之臣不稽首非尊家臣以避君也左傳僖公二十三年秦伯享晉公子重耳公賦六月公子降拜稽首公降一級而辭焉襄公三

年盟于長檮公稽首知武子曰天子在而君辱稽首寡君懼矣二十四年鄭伯如晉鄭伯稽首宣子辭子西相曰以陳國之介恃大國而陵虐於敝邑寡君是以請罪焉敢不稽首哀公十七年盟于蒙齊侯稽首公拜齊人怒孟武伯曰非天子寡君無所稽首國語襄王使召公過及內史過賜晉惠公命晉侯執玉卑拜不稽首內史過歸以告王曰執玉卑替其贄也拜不稽首誣其上也替贄無鎮誣王無民可以見稽首之爲重也自敵者皆從頓首李陵報蘇武書稱頓首

陳氏禮書曰稽首者諸侯於天子大夫士於其君之禮也然君於臣亦有稽首書稱太甲稽首於伊尹成王稽首於

周公是也大夫於非其君亦有稽首儀禮公勞賓賓再拜稽首勞介介再拜稽首是也蓋君子行禮於其所敬者無所不用其至則君稽首於其臣者尊德也大夫士稽首於非其君者尊主人也春秋之時晉穆嬴抱太子頓首於趙宣子魯季平子頓首於叔孫則頓首非施於尊者之禮也

原注禮書以頓首爲首頓於手而已

荀子言平衡曰拜下衡曰稽首至地曰稽顙似未然古惟喪禮始用稽顙蓋以頭觸地其與稽首乃有容無容之別

稽首頓首

今表文皆云稽首頓首蔡邕獨斷漢承秦法羣臣上書皆言昧死言王莽盜位慕古法去昧死曰稽首光武因而不

改朝臣曰稽首頓首非朝臣曰稽首再拜姚刑部曰周禮

曰稽首其儀右手至地左手加諸右手首加諸左手是為

拜手稽首禮曰稽首據掌致諸地以稽留其首於手之上

故曰稽首二曰頓首首不加手而叩諸地三曰空首儀

若稽首而其拜甚速不得稽留其首于手之上若空未拜

然四曰振動兩手相擊而後拜所謂井也禮曰拜服也稽

首服之甚也頓首者皇急以謝過空首者降拜以受賜穆

天子傳賜許男駿馬十六許男降再拜空首降空首者臣

節之其也君辭之則升成拜成拜然後稽留其首然而禮

于降階之拜亦曰稽首者通言之耳蓋降階者固欲稽首

然然而君于時辭之矣勢不可以不速矣振動之拜則以

慶賀此四者皆下之于上之禮君於神之至尊者及所致

敬于臣之甚者則亦稽首焉平交有所謝者則亦頓首焉

五曰吉拜常祭之禮也平交相接之常禮也首與尻平故

荀子曰平衡曰拜下衡曰稽首六曰內拜喪禮也稽顙觸

地無容而拜也顙頓於地而稽留之曰稽顙七曰奇拜一

拜也八曰褒拜再拜也九曰肅拜俯之曰稽肅七曰奇拜一

地曰手拜自稽首以下皆手拜也手不致諸地曰肅拜禮

以其不足言拜也故曰介者不拜肅而已矣婦人非喪事

雖君賜無手拜肅而已矣九拜之中最輕者肅拜也次吉

拜次稽首空首振動次頓首次凶拜極矣奇拜褒拜以多

寡爲重七者蓋兼得名之鄭康成謂拜而後稽顙爲吉拜
稽顙而後拜爲凶拜者非也禮家記人子弟受賓弔贈儀
皆拜稽顙故曰拜稽顙哀戚之至隱也爲父母長子稽顙
非三年之喪以吉拜吉拜不稽顙也荀稽顙則凶拜矣奚
論其先後使周公制禮明以稽顙而後拜乃得爲凶拜也
則人皆識之矣孔子不必言吾從其至者矣古人必以兩
手交爲拜稽顙在地則兩手不得交故徒稽顙曰不成拜
成拜者手拜也鳳氏曰男拜尙左手先以右掌據地乃以
左掌交其上而俯伏焉故郊特牲曰拜服也加敬焉則俯
首至手周官太祝曰空首者也燭加敬焉則俯首頓地曰
頓首稽顙則首至地稽留頃刻乃舉故郊特牲曰稽首服
之甚也遭喪拜則尙右手哭而以首觸地無容遲遲舉首
曰稽顙致哀也稽首致敬稽顙致哀其情既大殊稽首者
先拜稽顙者後拜其節遂相反元公制禮如是後人以謝
賓故拜則後稽顙焉孔子曰拜而後稽顙類乎其順也稽
顙而後拜順乎其至也二者皆凶拜而後稽顙則周衰之變
禮孔子從其至猶之眾拜乎上違而從下之意所以復禮
也士喪禮曰拜稽顙謂拜禮用凶卽先稽顙而後拜可知
者不知後人有後稽顙之變則言稽顙而後拜可知也康
成以先稽顙者釋太祝之凶拜誠是不以後稽顙者爲周
衰變禮而以爲殷禮引以釋太祝之吉拜則非夫稽顙不
得云吉所云吉拜者賈疏引雜記父在爲妻不稽顙者是

他如舅姑之主婦喪凡男婦之攝喪主者皆不稽顙而變
手之左右上者以別之但別以手無大遠于吉故曰吉拜
原拜義字從兩手凡拜皆主手言兩手據地俯伏者拜之
正即尚書之拜手玉藻之據掌大祝之奇拜也褒拜以拜
之數有加而別振動以拜之容色變而別吉拜以拜手
異尚而別空首以拜而首至手而別頓首稽首稽顙以拜
而首至地各異而別空首頓首稽首稽顙皆拜時有爲而
爲非拜義所主也若肅拜則更以立而俯下手手不至地
而別拜主手言益可見矣朱子曰拜而后稽顙先以兩手
據地如常然後引首向前叩地稽顙而后拜稽顙先以兩手
首叩地卻交手據地如常檀弓秦穆公使弔重耳重耳稽
顙而不拜曰稽顙矣而又曰不拜尤拜主手之確證太祝
注引尚書拜手當空首是謂首拜至于振動之拜屬首則頓
稽首稽顙皆誤認爲正言拜也至于振動之拜屬首則頓
不常若後世誠惶誠恐頓首頓首之意或乃謂恪恭之極
如聘賓三退負序之屬不拜而致敬更甚于拜夫既云不
拜即敬甚于拜安得列九拜中且以不拜而拜而列九拜
是更不同拜義所主此不可以說經也自太祝注以拜手
當空首而拜屬首因謂拜手稽首者先作空首一拜次作
稽首一拜也至吳幼清又混稽首稽顙爲一謂以內禮故
易首字爲顙以別于吉遂謂先作稽首一拜再作空首一
拜爲稽顙而后拜矣故稽首再拜而不受再拜稽首而受

孟子之文偶有倒順閻百詩據庾成吉凶拜之注幼清稽
顓卽稽首之說遂謂先稽首者爲內拜後稽首者爲外拜
且勿論抑子思當日不受矣噫以閻氏讀書有誠而承誤不辨
此情事耶閻氏又講論語拜而受之曰若今之折腰一揖
而已再拜而送之曰兩揖而已夫折腰則尻高首下俗所
云打恭者也以此當拜皆沿拜屬首之誤不知古無折腰
禮古之揖身微俯手與心齊亦其微也左傳成公十六年卻
上如揖集注曰手與心齊亦其微也左傳成公十六年卻
至肅使者杜注曰肅手至地若今揖大誤夫手至地則折
腰矣甲者將爲兩手據地俯伏之拜則札葉夔其肢體而
有所不便故用婦人肅拜立而身微俯斂兩手當心少下
移而已方氏三禮析疑亦沿杜氏之誤而謂下其首而俯
首至地曰肅拜總緣不識拜主手言而不屬首也淺學博
曰空首君答臣之拜也君拜其臣皆空首若特敬其臣則
拜手稽首如太甲之拜于伊尹成王之拜于周公非常禮也賈
氏儀禮疏云空首郭注空首頭至于地則卽稽首非此空首
許男再拜空首郭注空首頭至于地則卽稽首非此空首
矣振動卽喪禮拜而後踊也振動之拜諸儒言人人殊惟
杜子春得之蓋凶事之振動猶吉事之稽首皆拜之最重
者士喪禮君使人贈主人皆拜稽顙成踊非君之弔襚則
則拜而不踊是拜而後踊于君始行之故曰與稽首同杜

子春日振讀爲振鐸之振動讀爲哀憫之勸其義甚明惜先後鄭之失其解也

百拜

百拜字出樂記古人之拜如今之鞠躬故通計一席之間賓主交拜近至於百注云壹獻士飲酒之禮百拜以喻多是也
原注徐伯魯曰按鄉飲酒禮無百拜此特甚言之耳若平禮止是一拜再拜卽人臣於君亦止再拜孟子以君命將之再拜稽首而受是也禮至末世而繁自唐以下卽有四拜大明會典四拜者百官見東宮親王之禮見其父母亦行四拜禮其餘官長及親戚朋友相見止行兩拜禮是四拜唯於父母得行之今人書狀動稱百拜何也

古人未有四拜之禮唐李涪刊誤曰夫郊天祭地止於再

拜其禮至重尙不可加趙氏曰如李涪說是唐人郊廟尙祇再拜前明會典臣見君行五拜禮見親王東宮四拜子於父母亦四拜蓋儀文度數久則習以爲常成上下通行之具故必須加隆以示差別亦風會之不得不然也今代婦謁姑章其拜必四詳其所自初則再拜次則跪獻衣服文史承其筐篚則跪而受之常於此際授受多誤故四拜相屬耳

戰國策蘇秦路過雒陽嫂蛇行匍伏四拜自跪而謝此四拜之始蓋因謝罪而加拜非禮之常也原注黃庭經十讀四拜朝太上亦是

拜加

今人上父母書用百拜亦爲無理若以古人之拜乎則古人必稽首然後爲敬而百拜僅賓主一日之禮非所施於父母若以今人之拜乎則天子止於五拜而又安得百也

此二者過猶不及明知其不然而書之此以僞事其親也
洪武三年上諭中書省臣曰今人書劄多稱頓首再拜百
拜沈氏曰香祖筆記云一書載米元章與人書至某再拜則置筆几上正衣冠對書再拜昔人于書問問古道如此皆非實禮其定爲儀式令人遵守於是禮部定儀凡致書於尊者稱端肅奉書答則稱端肅奉復敵己者稱奉書奉復上之與下稱書寄書答卑幼與尊長則曰家書敬復尊長與卑幼則曰書付某人

九頓首三拜

九頓首出春秋傳然申包胥元是三頓首未嘗九也杜注無衣三章章三頓首每頓首必三此亡國之餘情至迫切而變其平日之禮者也七日夜哭於鄰國之庭古人有此

禮乎七日哭也九頓首也皆亡國之禮也不可通用也
韓之戰秦獲晉侯晉大夫三拜稽首古但有再拜稽首無
三拜也申包胥之九頓首晉大夫之三拜也

楚語湫舉遇蔡聲子降三拜納其乘馬亦亡人之禮也

周書宣帝紀詔諸應拜者皆以三拜成禮後代變而彌增
則有四拜不知天元自擬上帝凡冕服之類十二者皆增
爲二十四而笞捶人亦以百二十爲度名曰天杖然未有
四拜

東向坐

古人之坐以東向爲尊故宗廟之祭太祖之位東向卽交

際之禮亦賓東向而主人西向

原注漢書注如淳曰君臣位南北面賓主位東西面

新序楚昭奚恤爲東面之壇一秦使者至昭奚恤曰君客也請就上位是也史記趙奢傳言括東向而朝軍吏田單傳言引卒東鄉坐師事之淮陰侯傳言得廣武君東鄉坐西鄉對師事之王陵傳言項王東鄉坐陵母周勃傳言每召諸生說士東鄉坐責之趣爲我語田蚡傳言召客飲坐其兄蓋侯南鄉自坐東鄉以爲漢相尊不可以兄故私撓南越傳言王太后置酒漢使者皆東鄉漢書蓋寬饒傳言許伯請之迺往從西階上東鄉特坐樓護傳言王邑父事護時請召賓客邑居樽下稱賤子上壽坐者百數皆離席伏護獨東向正坐字謂邑曰公子貴如何後漢書鄧禹傳言顯宗卽位以禹先帝元功拜爲太傅進見東向桓榮傳言

乘輿嘗幸太常府令榮坐東面天子親自執業

〔原注〕皆侍以賓師之位

此皆東向之見於史者曲禮主人就東階客就西階自西階而升故東鄉自東階而升故西鄉而南鄉特其旁位如廟中之昭故田蚡以處蓋侯也

孝文紀西鄉讓者三南鄉讓者再注賓主位東西面君臣位南北面是時羣臣至代邸上議則代王爲主人故西鄉舊唐書盧簡求子汝弼爲河東節度副使府有龍泉亭簡求節制時手書詩一章在亭之西壁汝弼復爲亞帥每亭中燕集未嘗居賓位西向俛首而已是唐人亦以東向爲賓位也

坐

古人席地而坐西漢尙然漢書雋不疑傳登堂坐定不疑據地曰竊伏海濱聞暴公子威名舊矣是也

古人之坐皆以兩膝著席有所敬引身而起則爲長跪矣史記范雎傳言秦王跽而請秦王復跽而褚先生補梁孝王世家帝與梁王俱侍坐太后前太后謂帝曰吾聞殷道親親周道尊尊其義一也帝跪席舉身曰諾是也禮記坐皆訓跪三國志注引高士傳言管寧嘗坐一木榻積五十餘年未嘗箕股其榻上當膝處皆穿以此

土炕

北人以土爲牀而空其下以發火謂之炕古書不載原注詳軼葉傳炕火曰衆正義曰炕舉也謂以物貫之而舉於火上以炙之左傳宋寺人柳織炭于

位將至則去之新序宛春謂衛靈公曰君衣狐裘坐熊席
隕隅有竈漢書蘇武傳鑿地爲坎置煨火是蓋近之而非
炕也原注庾信小園賦管寧藜牀雖穿而可坐嵇康鍛竈既煨而堪眠舊唐書東夷高麗
傳冬月皆作長坑下然煨火以取煖此卽今之土炕也但
作坑字

水經注土垠縣有觀雞寺寺內有大堂甚高廣可容千僧
下悉結石爲之上加塗墍基內疏通枝經脈散基側室外
四出爨火炎勢內流一堂盡溫此今人煖房之制形容盡
之矣

冠服

漢書五行志曰風俗狂慢變節易度則爲剽輕奇怪之服

故有服妖余所見五六十年服飾之變亦已多矣故錄其所聞以視後人焉

豫章漫鈔曰今人所戴小帽以六瓣合縫下綴以簷如甬閭憲副閱謂予言亦太祖所製若曰六合一統云爾楊維禎廉夫以方巾見太祖問其製對曰四方平定巾上喜令士人皆得戴之商文毅用自編民亦以此巾見

太康縣志曰國初時衣衫褶前七後八宏治閒上長下短褶多正德初上短下長三分之一士夫多中停冠則平頂高尺餘士夫不減八九寸嘉靖初服上長下短似宏治時市井少年帽尖長俗云邊鼓帽宏治閒婦女衣衫僅掩褰腰富者用羅緞紗絹織金彩通袖褻用金彩膝襴髻高寸

餘正德間衣衫漸大褻褶漸多衫唯用金彩補子髻漸高
嘉靖初衣衫大至膝褻短褶少髻高如官帽皆鐵絲胎高
六七寸口周回尺二三寸餘

內丘縣志曰萬厯初童子髮長猶總角年二十餘始戴網
天啟間則十五六便戴網不使有總角之儀矣萬厯初庶
民穿脆靱儒生穿雙臉鞋非鄉先生首戴忠靖冠者不得
穿廂邊雲頭履

原注俗呼朝鞋

至近日而門快輿卑無非雲履醫

卜星相莫不方巾又有管巾唐巾樂天巾東坡巾者先年
婦人非受封不敢戴梁冠披紅袍繫拖帶今富者皆服之
又或著百花袍不知創自何人萬厯間遼東興冶服五彩
炫爛不三十年而遭屠戮茲花袍幾二十年矣服之不衷

身之災也兵荒之咎其能免與

袂衣

通鑑唐僖宗乾符元年王凝崔彥昭同舉進士凝先及第嘗袂衣見彥昭袂楚懈反廣雅梢袷袷謂之積袂一曰褱衣李義山詩芙蓉作褱袂又曰褱袂芙蓉小

對襟衣

太祖實錄洪武二十六年三月禁官民步卒人等服對襟衣惟騎馬許服以便於乘馬故也其不應服而服者罪之今之罩甲卽對襟衣也戒庵漫筆云罩甲之制比甲稍長比襖減短正德間創自武宗近日士大夫有服者按說文無袂衣謂之褱趙宦光曰半臂衣也武士謂之蔽甲方俗

謂之披襖小者曰背子卽此製也魏志楊阜傳阜嘗見明帝著帽被縹綾半袖問帝曰此於禮何法服也則當時已有此製

左衽

宋周必大二老堂詩話云陳益爲奉使金國屬官過渚泚光武廟見塑像左衽岳珂程史云至漣水宣聖殿像左衽泗州塔院設五百應真像或塑或刻皆左衽此制蓋金人爲之迄於明初而未盡除其見於實錄者永樂八年撫安山東給事中王鐸之奏宣德七年河南彰德府林縣訓導杜本之奏正統十三年山西絳縣訓導張幹之奏屢奉明旨而未卽改正

喪大記小斂大斂祭服不倒皆左衽注左衽衽鄉左反生時也正義曰衽衣襟也生鄉右左手解抽帶便也死則襟鄉左示不復解也

沈氏曰此爲第二條

行滕

詩邪幅在下箋云邪幅如今行滕也偈束其脛自足至膝左傳帶裳幅舄注同亦作偈禮記偈屨著綦釋名偈所以自逼束今謂之行滕言以裹腳可以跳騰輕便也戰國策蘇秦羸滕負書擔囊吳志呂蒙爲兵作絳衣行滕舊唐書德宗入駱谷值霖雨道塗險滑衛士多亡歸朱泚東川節度使李叔明之子昇及郭子儀之子曙令狐彰之子建等六人恐有姦人危乘輿相與齧臂爲盟著行滕釘鞵更鞆

上馬以至梁州它人皆不得近及還京師上皆以爲禁衛將軍寵遇甚厚

古人之襪大抵以皮爲之春秋左氏傳注曰古者臣見君解韞旣解韞則露其邪幅而人得見之采菽之詩所以爲詠今之村民往往行跣而不韞者古人之遺制也吳賀邵爲人美容止坐常著襪原注始希見其足則漢魏之世不襪而見足者多矣

樂府

樂府是官署之名其官有令有音監有游徼漢書張放傳使大奴駿等四十餘人羣黨盛兵弩白晝入樂府攻射官寺霍光傳奏昌邑王大行在前殿發樂府樂器續漢書律

歷志元帝時郎中京房知五聲之音六十律之數上使太子太傅韋元成諫議大夫章雜試問房于樂府是也後人乃以樂府所采之詩即名之曰樂府誤矣曰古樂府尤誤原注後漢書馬廖傳言哀帝去樂府注云哀帝即位詔罷鄭衛之音減郊祭及武樂等人數是亦以樂府所肆之詩即名之樂府也

寺閻氏曰馬援傳曉狄道長歸守寺舍注寺舍官舍也先於張湛傳又高陽令楊著碑醪榮投獻步出城寺

寺字自古至今凡三變三代以上凡言寺者皆奄豎之名周禮寺人注寺之言侍也詩云寺人孟子易之闡寺詩之婦寺左傳寺人貂寺人披寺人孟張寺人惠牆伊戾寺人柳寺人羅皆此也原注崔杼使圍人原注自秦以宦者任外廷之職而官舍通謂之寺原注說文寺廷也有法度漢人以者也此亦是漢時解耳

太常光祿勳衛尉太僕廷尉大鴻臚宗正大司農少府爲

九寺

原注又御史府亦謂之御史大夫寺漢書元帝紀注師古曰凡府庭所在皆謂之寺風俗通曰寺司也唐

書楊收傳漢制總羣官而聽曰省分務而專治曰寺諸官府所止皆曰寺後漢書安帝紀皇太后幸雒陽寺及若盧獄錄囚徒注寺官舍也張湛傳告歸平陵望寺門而步注寺門卽平陵縣門也樂恢傳父爲縣吏得罪於令恢年十一常俯伏寺門吳志凌統又變而浮屠之居亦謂之寺矣傳亦云過本縣步入寺門

原注石林燕語漢以來九卿官府皆名曰寺鴻臚其一也本以待四裔賓客明帝時攝摩騰竺法蘭自西域以白馬負經至舍於鴻臚寺旣死尸不壞因甯寺中後遂以爲浮屠之居卽維中白馬寺也僧居稱寺本此

省

十三布政使司今人謂之十三省者沿元之舊而誤稱之也元時爲行中書省者十一曰遼陽等處曰鎮東曰陝西等處曰四川等處曰河南江北等處曰雲南等處曰江浙

等處曰江西等處曰湖廣等處曰甘肅等處曰嶺北等處
國初沿元制立行中書省洪武七年以京畿應天等府直
隸六部改行中書省爲布政使司今當稱十三布政使司不
當稱省汝成案明史職官志洪武九年改浙江江西福建
北平廣西四川山東廣東河南陝西湖廣山西諸
行省俱爲承宣布政使司爲北京後又置交趾貴州布政使
元年以北平布政使司爲北京後又置交趾貴州布政使
司宣宗三年罷交趾布政使司除兩京外定爲十三布政
使司攷明制有左右布政使司建文省雲南一人永樂則
貴州止設一人是仍有二十四然實共治一省故曰十三
也先生作鑒域志數交趾稱十四此仍云十三者以此惟
洪武九年始改行省此云七年者誤耳我朝爲承宣布
政使司者十九曰陝西曰甘肅曰浙江曰蘇曰安徽曰山
山東曰河南曰陝西曰甘肅曰浙江曰蘇曰安徽曰山
南曰四川曰福建曰廣東曰廣西曰雲南曰貴州湖北曰湖
肅布政使司康熙三年六年分置江寧府自是移安慶云
十五年置先是安徽布政使司治江寧府自是移安慶云

職官受杖

撞郎之事始於漢明後代因之有杖屬官之法曹公性嚴

掾屬公事往往加杖

原注魏略韓宣以常受杖豫脫袴纏襠而縛

宋劉道錫爲

廣州刺史杖治中荀齊文垂死魏劉仁之監作晉陽城杖

前殷州刺史裴瑗并州刺史王綽隋文帝詔諸司論屬官

罪有律輕情重者聽於律外斟酌決杖燕榮爲幽州總管

元宏嗣除長史懼辱固辭上知之敕榮曰宏嗣杖十已上

罪皆奏聞榮忿曰豎子何敢弄我乃遣宏嗣監納倉粟颺

得一糠一粃皆罰之每笞不滿十然一日中或至三數杜

子美送高三十五詩脫身簿尉中始與捶楚辭唐時自簿

尉以上卽不加捶楚優於南北朝多矣

黃氏日鈔讀韓文公贈張功曹詩云判司卑官不堪說未

免捶楚塵埃間

原注通鑑注唐謂州曹諸司參軍爲判司

然則唐之判司簿尉

類然與然唐人之待卑官雖嚴而卑官猶得以自申其法

如劉仁軌爲陳倉尉擅殺折衝都尉魯寧是也我朝判司

簿尉以待新進士而筦庫監當不以辱之視唐重矣乃近

日上官苦役苛責甚於奴僕官之辱法之屈也此事關繫

世道

唐自兵興以後杖決之行卽不止於簿尉張鎬杖殺豪州

刺史閻丘曉嚴武杖殺梓州刺史章彝韓皋杖殺安吉令

孫澥柳仲郢杖殺南鄭令權奕劉晏爲觀察自刺史六品

以下得杖而後奏則著之於令矣宋史理宗淳祐二年三

月詔今後州縣官有罪帥司毋輒加杖責

晉書王濛傳爲司徒左西屬濛以此職有譴則應受杖固辭詔爲停罰猶不就則不獨外吏矣南齊書陸澄傳郎官舊有坐杖有名無實澄在官積前後罰一日并受千杖南史蕭琛傳齊明帝用法嚴峻尙書郎坐杖罰者皆卽科行琛乃密啟曰郎有杖起自後漢爾時郎官位卑親主文案與令史不異故郎三十五人令史二十人士人多恥爲此職自魏晉以來郎官稍重今方參川高華錢氏曰晉書王彪領選將擬爲尙書郎坦之問曰自過江來尙書郎止用第二人何得以此見擬彪遂止吏部又近於通貴不應官高昔品而罰遵曩科所以從來彈舉止是空文許以推遷或逢赦恩或入春令便得息停宋元嘉大明中有被罰者別繇犯忤主心非關常準泰始建元以來並

未施行自奉敕之後已行倉部郎江重欣杖督五十無不人懷慙懼乞特賜輸贖使與令史有異以彰優緩之澤帝納之自是應受罰者依舊不行此今日公譴擬杖之所自始

世說桓公在荊州恥以威刑肅物令史受杖正從朱衣上過桓式年少從外來云向從閣下過見令史受杖上捎雲根下拂地足桓公曰我猶患其重是令史服朱衣而受杖也

原注南史孔覲傳爲御史中丞
鞭令史爲有司所糾原不問

南齊書張融傳大明五年制二品清官行僮幹杖不得出十梁書江革傳弟葺爲吏部郎坐杖曹中幹免官郎官之杖虛杖也故至於千僮幹之杖實杖也不得過十然亦失

中之法

沈統大明中爲著作佐郎先是五省官所給幹僮不得雜役太祖世坐以免官者前後數百人統役僮過差有司奏免世祖詔曰自頃幹僮多不祇給主可量聽行杖得行幹杖自此始也

北朝政令比之南朝尤爲嚴切高允傳言魏初法嚴朝士多見杖罰孝昭帝紀言尙書郎中剖斷有失輒加捶楚而及其末世則有如高陽王雍之以州牧而杖殺職官原注任城王澄唐邕之以錄尙書而搃撻朝士原注本傳者矣

押字

集古錄有五代時帝王將相等署字一卷所謂署字者皆

草書其名今俗謂之畫押不知始於何代岳珂古冢盆杆
記言得晉永寧元年璧有匠者姓名下有文如押字則晉
已有之然不可考南齊書太祖在領軍府令紀僧真學上
手迹下名報答書疏皆付僧真上觀之笑曰我亦不復能
別也何敬容署名敬字則大作苟小爲文容字大爲父陸
倕戲曰公家苟旣奇大父亦不小魏書崔元伯尤善行押
之書特盡精巧而不見遺迹北史斛律金不識文字初名
敦苦其難署改名爲金從其便易猶以爲難神武乃指屋
角令識之北齊書庫狄干不知書署名爲干字逆上畫之
時人謂之穿錐又有武將王周署名先爲吉而後成其外
陳書蕭引善隸書高宗嘗披奏事指引署名曰此字筆勢

翩翩似鳥之欲飛唐書董昌僭位下制詔皆自署名或曰
帝王無押詔昌曰不親署何由知我爲天子今人亦謂之
花字北齊後主紀開府千餘儀同無數領軍一時二十連
判文書各作花字原注北史各作依字不具姓名莫知誰也黃伯思
謂魏晉以來法書梁御府所藏皆是朱昇唐懷克沈熾文
姚懷珍等題名于首尾紙縫間故或謂之押縫或謂之押
尾後人花押蓋沿于此又云唐人及國初前輩與人書牘
或只用押字與名用之無異上表章亦或爾近世遂施押
字於檄移原注癸辛雜識古人押字謂之花押印不知南
北諸史言押字者如此之多而韓非子言田嬰令官具押
券斗石參升之計則戰國時已有之又不知始於後世也

三國志少帝紀注世說及魏氏春秋竝云姜維寇隴右時安東將軍司馬文王鎮許昌徵還擊維至京師帝御平樂觀以臨軍過中領軍許允與左右小臣謀因文王辭殺之勒其眾以退大將軍已書詔於前文王入帝方食粟優人雲午等唱曰青頭雞青頭雞青頭雞者鳴也帝懼不敢發按鳴者勸帝押詔書耳是則以親署爲押已見於三國時矣

原注南北朝謂之畫敕

邸報

宋史劉奉世傳先是進奏院每五日具定本報狀上樞密院然後傳之四方而邸吏輒先期報下或矯爲家書以入郵置奉世乞革定本去實封但以通函騰報從之呂溱傳

儂智高寇嶺南詔奏邸母得輒報漆言一方有警使諸道聞之共得爲備今欲人不知此意何也曹輔傳政和後帝多微行始民間猶未知及蔡京謝表有輕車小輦七賜臨幸自是邸報聞四方邸報字見于史書蓋始於此時然唐孫樵集中有讀開元雜報一篇則唐時已有之矣唐詩話曰韓翃久家居一日夜半客扣門急賀曰員外除駕部郎中知制誥曰誤矣客曰邸報制誥闕人中書兩進名不從云云是邸報字亦見于此

酒禁

先王之於酒也禮以先之刑以後之周書酒誥厥或告曰羣飲汝勿佚盡執拘以歸於周予其殺此刑亂國用重典也周官萍氏幾酒謹酒而司飮禁以屬遊飲食于市者若

不可禁則搏而戮之此刑平國用中典也一獻之禮賓主
百拜終日飲酒而不得醉焉則未及乎刑而坊之以禮也
故成康以下天子無甘酒之失卿士無酣歌之愆至于幽
王而天不誨爾之詩始作其教嚴矣漢興蕭何造律三人
以上無故羣飲酒罰金四兩曹參代之自謂遵其約束乃
園中聞吏醉歌呼而亦取酒張飲與相應和是并其畫一
之法而亡之也坊民以禮鄴侯旣闕之於前糾民以刑平
陽復失之於後宏羊踵此從而權酷夫亦開之有其漸乎
武帝天漢三年初權酒酷昭帝始元六年用賢良文學之
議罷之而猶令民得以律占租賣酒升四錢遂以爲利國
之一孔而酒禁之弛實濫觴於此

原注困學紀聞謂權酷之害甚於魯之初稅畝

然史之所載自孝宣已後有時而禁有時而開至唐代宗
廣德二年十二月詔天下州縣各量定酤酒戶隨月納稅
除此之外不問官私一切禁斷自此名禁而實許之酤意
在榷錢而不在酒矣宋仁宗乾興初言者以天下酒課月
比歲增無有藝極非古禁羣飲節用之意孝宗淳熙中李
燾奏謂設法勸飲以斂民財周輝雜志以爲惟恐其飲不
多而課不羨此榷酤之弊也至今代則既不榷緝而亦無
禁令民間遂以酒爲日用之需比于饔飧之不可闕若水
之流滔滔皆是而厚生正德之論莫有起而持之者矣陳通
政曰孫公嘉淦以高粱祇堪供造酒之用推論禁止之弊
謂於生計有損此說誠矯枉過當夫使果重其罰而立致
其效則家有蓋藏巷無羣飲豈非爲治者至願所慮者在
不能禁止耳天下承平日久狃於休養之樂安知耗穀之

患而但以爲大欲
所在日用之常也

邠原之游學未嘗飲酒大禹之疏儀狄也諸葛亮之治蜀
路無醉人武王之化姦邦也

舊唐書楊惠元傳充神策京西兵馬使鎮奉天詔移京西
戍兵萬二千人以備關東帝御望春樓賜宴諸將列坐酒
至神策將士皆不飲帝使問之惠元時爲都將對曰臣初
發奉天本軍帥張巨濟與臣等約曰斯役也將策大勳建
大名凱旋之日當共爲歡苟未戎捷無以飲酒故臣等不
敢違約而飲旣發有司供餼於道路唯惠元一軍餅壘不
發上稱歎久之降璽書慰勞及田悅叛詔惠元領禁兵三
千與諸將討伐御河奪三橋皆惠元之功也能以眾整如

此卽治國何難哉

原注沈括筆談言太宗朝禁宰買魚肉及酒入營門者有罪

魏文成帝大安四年釀酤飲者皆斬金海陵正隆五年朝官飲酒者死元世祖至元二十年造酒者本身配役財產女子沒官可謂用重典者矣然立法太過故不久而弛也水爲地險酒爲人險故易爻之言酒者無非坎卦而萍氏掌國之水禁水與酒同官

原注黃魯直作黃籙字說云酒善溺人故六籙皆以舟爲足

徐尚書石麒麟有云傳曰水懦弱民狎而玩之故多死焉酒之禍烈於火而其親人甚於水有以夫世盡妖於酒而不覺也讀是言者可以知保生之道螢雪叢說言頃年陳公大卿生平好飲一日席上與同僚談舉知命者不立乎巖牆之下問之其人曰酒亦巖牆也陳因是有聞遂終身不

飲頃者米醪不足而烟酒興焉則真變而爲火矣

賭博

萬歷之末太平無事士大夫無所用心間有相從賭博者至天啟中始行馬弔之戲而今之朝士若江南山東幾於無人不爲此有如韋昭論所云窮日盡明繼以脂燭人事曠而不修賓旅闕而不接者吁可異也考之漢書安丘侯張拾印原注其已反侯黃遂樊侯蔡辟方竝坐搏揜免爲城旦原注貨殖傳淵家博揜犯姦成富王符潛夫論以游博持掩爲事師古曰搏或作博六博也揜意錢之屬也原注後漢書梁冀傳能挽滿彈皆戲而賭取財物宋書王景文傳爲右衛將軍坐與奉朝請毛法因蒲戲得錢百二十萬白衣領職劉康祖傳爲員外郎十

年再坐檮蒲戲免南史王質傳爲司徒左長史坐招聚博徒免官金史刑志大定八年制品官犯賭博法贓不滿五十貫者其法杖聽贖再犯者杖之上曰杖者所以罰小人也旣爲職官當先廉恥旣無廉恥故以小人之罰罰之今律犯賭博者文官革職爲民武官革職隨舍餘食糧差操亦此意也但百人之中未有一人坐罪者上下相容而法不行故也晉陶侃勤於吏職終日斂膝危坐閫外多事干緒萬端罔有遺漏諸參佐或以談戲廢事者命取其酒器蒲博之具悉投於江將吏則加鞭朴卒成中興之業爲晉名臣唐宋璟爲殿中侍御史同列有博于臺中者將責名品而黜之博者惶恐自匿後爲開元賢相而史言文宗切

於求理每至刺史面辭必殷勤戒敕曰無嗜博無飲酒內
外聞之莫不悚息然則勤吏事而糾風愆乃救時之首務
矣

唐書言楊國忠以善抄蒲得入供奉常後出專主蒲簿計
算鉤畫分銖不誤帝悅曰度支郎才也卒用之而敗元宗
末年荒佚遂以小人乘君子之器此亦國家之妖孽也今
之士大夫不慕姚崇宋璟而學楊國忠亦終必亡而已矣
山堂考索宋大中祥符五年三月丁酉上封者言進士蕭
元之本名疏嘗因賭博抵杖刑今易名赴舉登第詔有司
召元之詰問引伏奪其敕贖銅四十斤遣之宋制之嚴如
此今之進士有以不工賭博爲訛者矣

晉中興書載陶士行言撈蒲老子入胡所作外國戲耳近日士大夫多爲之安得不胥天下而爲外國乎

遼史穆宗應歷十九年正月甲午與羣臣爲葉格戲解曰

宋錢僖公家有葉子揭格之戲

原注按應歷十九年爲宋太祖之開寶二年是契丹

先有此戲不而知其所自來而其年二月己巳卽爲小哥等所弑君臣爲謠其禍乃不旋踵此不祥之物而今士大夫終日執之其能免於效尤之咎乎

宋史太宗紀淳化二年閏月己丑詔犯蒲博者斬元史世祖紀至元十二年禁民間賭博犯者流之北地刑亂國用重典固當如此

今日致太平之道何繇曰君子勤禮小人盡力

京債

赴銓守候京債之累於今爲甚舊唐書武宗紀會昌二年
二月丙寅中書奏赴選官多京債到任填還致其貪求罔
不由此今年三銓於前件州府原注河東鳳翔鄆坊邠寧等道得官者許
連狀相保戶部各備兩月加給料錢至支時折下所冀初
官到任不帶息債衣食稍足可責清廉從之蓋唐時有東
選南選其在京銓授者止關內河東兩道採訪使所屬之
官不出一千餘里之內而猶念其舉債之累先於戶部給
與兩月料錢非惟恤下之仁亦有勸廉之法與今之職官
到任先辦京債剝下未足而或借庫銀以償之者得失之
數較然可知已

若夫聖主之所行有超出於前代者太祖實錄吳元年七月丙子除郡縣官二百三十四人賜知府知州知縣文綺四絹六羅二夏布六父如之母妻及長子各半府州縣佐貳官視長官半之父如之母妻及長子又半之各府經歷知事同佐貳官州縣吏目典史視佐貳官又半之父母妻子皆如之其道里費知府賜白金五十兩知州三十五兩知縣三十兩同知視知府五之三治中半之通判推官五之二州同知視府通判經歷及州判官視府同知半之縣丞主簿視知縣又半之知事吏目典史皆十兩著爲令上曰今新授官多出布衣到任之初或假貸於人則他日不免侵漁百姓不有以養其廉而責之奉公難矣洪武元年

二月詔中書省自今新除府州縣官給賜白金一十兩布六匹十年正月甲辰上謂中書省臣曰官員聽選之在京者宜早與銓注卽令赴任聞久住客邸者日有所費甚至空乏假貸於人昔元之弊政此亦一端其常選官淹滯在京者資用旣乏流爲醫卜使人喪其所守實朝廷所以待之者非其道也自今銓選之後以品爲差皆與道里費仍令有司給舟車送之著爲令十七年七月癸丑北平稅課司大使熊斯銘言仕者得祿養親此人子之所願也然有道遠而不得養其父母者乞令有司給以舟車俾得迎養以盡人子之情廷議以雲南兩廣四川福建官員家屬赴任者官爲給舟車已有定例自今凡一千五百里以外者

宜依例給之制可

原注二十二年八月命故官妻子還鄉者亦給車舟

豈非愛民之

仁先於恤吏者乎

居官負債

居官負債雖非君子之行似乎不干國法乃考之於古有不償債而免列侯者漢書孝文三年河陽侯陳信坐不償人責過六月免原注免侯爵是也有以不償債而貶官者舊

唐書李晟子基累官至右龍武大將軍沈湏酒色恣爲豪侈積債至數千萬其子貸同鵠錢一萬餘貫不償爲同鵠所訴文宗怒貶基爲定州司法參軍是也然此猶前代之事使在今日則同鵠當更貸之以錢而爲之營其善缺矣元史太宗十二年以官民貸同鵠金償官者歲加倍名羊

三
羔息其害爲甚詔以官物代還凡七萬六千錠仍命凡假貸歲久惟子本相侔而止著爲令

納女

漢王商爲丞相皇太后嘗詔問商女欲以備後宮時女病商意亦難之以病對不入及商以閨門事見考自知爲王鳳所中惶怖更欲內女爲援迺因新幸李婕妤家白見其女爲大中大夫張匡所奏免相歐血薨諡曰戾侯後魏鄭義爲西兗州刺史貧鄙納女爲嬪微爲祕書監及卒尙書諡曰宣詔曰蓋棺定諡激濁揚清義雖夙有文業而治闕廉清尙書何乃情遺至公愆違明典依諡法博文多見曰文不勤成名曰靈諡曰文靈古之士大夫以納女後宮爲

恥今人則以爲榮矣

古之名士猶不肯與戚畹同列魏夏侯[元]爲散騎黃門侍郎嘗進見與皇后弟毛曾並坐[元]恥之不悅形之於色宋路太后頗豫政事弟子瓊之宅與太常王僧達並門嘗盛車服衛從造僧達僧達不爲之禮瓊之以訴太后太后大怒告上曰我尙在而皆陵我家死後乞食矣欲罪僧達上曰瓊之年少自不宜輕造諸王僧達貴公子豈可以此事加罪

王女棄歸

漢書衡山王傳太子女弟無采嫁棄歸以王女之貴爲人妻而猶有見棄者近古七出之條猶存而王者亦不得以

非禮制其臣下也

罷官不許到京師

後漢書言漢法罷免守令非徵召不得妄到京師

原注蘇不韋傳

今制內外官員至京師必謁鴻臚寺報名見朝至南京必

謁孝陵罷職者不得入國門

原注成化十三年九月壬申詔遂罷開官吏人等此

漢人之成法所以防賁緣清輦轂之意深矣

冊府元龜載後唐明宗長興二年九月丙戌太傅致仕王

建立不由詔旨至京

原注建立先以上章允歸鄉里

通事不敢引對畱于

閣門久之自至後樓召見帝以故將不之罪則知五代之

朝此法亦未嘗弛也

日知錄集釋卷二十八終

日知錄集釋卷二十九

崑山顧炎武著

嘉定後學黃汝成集釋

騎

詩云古公亶父來朝走馬古者馬以駕車不可言走

原注董氏

曰顧野王作來朝趣馬

曰走者單騎之稱古公之國鄰於戎翟其習

尚有相同者

原注程大昌雍錄曰古皆乘車今日走馬恐此時或已變乘為騎蓋避翟之遽不暇駕車

然則騎射之法不始於趙武靈王也

應氏曰詩疏馳謂走馬是馬乘車非單騎

左傳昭公二十五年左師展將以公乘馬而歸正義曰古

者服牛乘馬馬以駕車不單騎也至六國之時始有單騎

蘇秦所云車千乘騎萬匹是也曲禮云前有車騎者禮記

漢世書耳經典無騎字也劉炫謂此左師展將以公乘馬

而歸欲共公單騎而歸此騎馬之漸也

原注周禮大司馬師帥執提提謂

馬上鼓有曲木提持鼓立馬髦上者故謂之提正義曰先鄭益據當時已有單騎舉以況周其實周時皆乘車無輕

騎法也王應麟謂六韜言騎戰其書當出於周末又引公羊傳齊侯唁公以鞍爲几公羊亦周末之書也

春秋之世戎翟之雜居於中夏者大抵皆在山谷之間兵車之所不至齊桓晉文僅攘而卻之不能深入其地者用車故也中行穆子之敗翟於大鹵得之毀車崇卒而智伯欲伐仇猶遺之大鍾以開其道其不利於車可知矣勢不得不變而爲騎騎射所以便山谷也胡服所以便騎射也是以公子成之徒諫胡服而不諫騎射意騎射之法必有先武靈而用之者矣

惠氏曰案韓非子秦穆公送重耳購騎二千則單騎不始于六國

騎利攻車利守故衛將軍之遇虜以武剛車自環爲營

史記項羽本紀敘鴻門之會曰沛公則置車騎脫身獨騎上言車騎則車駕之馬來時所乘也下言獨騎則單行之馬去時所跨也樊噲夏侯嬰靳彊紀信四人則皆步走也樊噲傳曰沛公畱車騎獨騎馬噲等四人步從是也

驛

漢書高帝紀乘傳詣雒陽師古曰傳若今之驛古者以車謂之傳車其後又單置馬謂之驛騎竊疑此法春秋時當已有之如楚子乘駟會師于臨品祁奚乘駟而見范宣子楚子以駟至于羅汭子木使駟謁諸王楚人謂游吉曰吾將使駟奔問諸晉而以告國語晉文公乘駟自下脫會秦伯于王城呂氏春秋齊君乘駟而自追晏子及之國郊皆

事急不暇駕車或是單乘驛馬而注疏家未之及也

原注戴侗

云以車曰傳以騎曰駟晉侯以傳召伯宗則是車也說文傳遽也左傳弦高且使遽告于鄭注遽傳車按韓非子

言齊景公游少海傳騎從中來謁則騎亦可以謂之傳

謝在杭五雜俎曰古者乘傳皆驛車也史記田橫與客二人乘傳詣雒陽注四馬高足爲置傳四馬中足爲馳傳四馬下足爲乘傳然左傳言鄭子產乘遽而至則似單馬騎矣釋文以車曰傳以馬曰遽子產時相鄭國豈乏車乎懼不及故乘遽其爲驛馬無疑矣漢初尙乘傳車如鄭當時王溫舒皆私具驛馬後患其不速一槩乘馬矣

驢羸

自秦以上傳記無言驢者意其雖有而非人家所常畜也

原注兩雅無驢而有鼯鼠身長須而賊秦人謂之小驢汝
成案爾雅正義云此即鼠屬所謂鼯鼠而郭氏兩釋之則
此為鼠而非鼠矣晉書郭璞傳云有物大如牛灰色卑脚
類象胸前尾上皆白有力而遲鈍璞案卦名之是為驢鼠
蓋即其類也逸周書伊尹為獻令正北空同大夏莎車匈奴樓

煩月氏諸國以橐駝野馬駒駼駼駼為獻

原注驢父馬母曰驢駼父驢母

謂之駼汝成案說文駼駼馬父驢子呂氏春秋趙簡子有

兩白驪甚愛之李斯上秦王書言駿良駼駼鄒陽上梁王

書亦云燕王按劍而怒食以駼駼是以為貴重難得之物

也司馬相如上林賦駒駼橐駝蛩蛩驪駼駼驢駼駼王褒

僮約調治馬驢兼落三重

汝成案如僮約則驢亦人家所常畜矣

其名始見

於文而賈誼弔屈原賦騰駕罷牛兮驂蹇驢日者列傳駼
驢不能與罷驢為駼東方朔七諫要褻奔亡兮騰駕橐駼

劉向九歎卻騏驥以轉運兮騰驪羸以馳逐揚雄反離騷
騁驊騮以曲踰兮驪騾連蹇而齊足則又賤之爲不堪用
也嘗考驢之爲物至漢而名至孝武而得充上林至孝靈
而貴幸

原注續漢書五行志靈帝於宮中西園駕四白驢
弱自操善驅馳周旋以爲大樂於是公卿貴戚轉

相放效至乘輜軒以爲騎
從互相侵奪賈與馬齊

然其種大抵出於塞外自趙武

靈王騎射之後漸資中國之用鹽鐵論羸驢駝駃騠尾入
塞驛奚騾馬盡爲我畜杜篤論都賦虜僂僂驅騾驢馭宛
馬鞭馱馱霍去病傳單于遂乘六羸匈奴傳其奇畜則橐
駝驢羸馱駃騠騾奚西域傳鄯善國有驢馬多橐它烏
耗國有驢無牛而龜茲王學漢家儀外國人皆曰驢非驢
馬非馬若龜茲王所謂羸也可見外國之多產此種而漢

人則以爲奇畜耳人亦有以父母異種爲名者魏書鐵弗劉虎傳北人謂胡父鮮卑母爲鐵弗

軍行遲速

魏明帝遣司馬懿征遼東其時自雒陽出軍不過三千餘里而帝問往還幾日懿對以往百日攻百日還百日以六十日爲休息如此一年足矣此猶是古人師行日三十里之遺意夏侯淵爲將赴急疾常出敵之不意軍中爲之語曰典軍校尉夏侯淵三日五百六日一千此可偶用之於二三百里之近不然百里而趨利者蹶上將固兵家所忌也

木罌瓠渡軍

史記淮陰侯傳從夏陽以木罌甌渡軍服虔曰以木押縛罌甌以渡是也古文簡不言縛爾吳志孫靜傳策詐令軍中促具罌缶數百口分軍夜投查瀆亦此法也其狀圖於喻龍德兵衡謂之甕筏

海師

海道用師古人蓋屢行之矣吳徐承率舟師自海入齊此蘇州下海至山東之路越王句踐命范蠡舌庸率師沿海泝淮以絕吳路此浙東下海至淮上之路唐太宗遣強偉於劔南伐木造舟艦自巫峽抵江揚趨萊州此廣陵下海至山東之路漢武帝遣樓船將軍楊僕從齊浮渤海擊朝鮮魏明帝遣汝南太守田豫督青州諸軍自海道討公孫

淵秦苻堅遣石越率騎一萬自東萊出右逕襲和龍唐太宗伐高麗命張亮率舟師自東萊渡海趨平壤薛萬徹率甲士三萬自東萊渡海入鴨綠水此山東下海至遼東之路漢武帝遣中大夫嚴助發會稽兵浮海救東甌橫海將軍韓說自句章浮海擊東越此浙江下海至福建之路劉裕遣孫處沈田子自海道襲番禺此京口下海至廣東之路隋伐陳吳州刺史蕭瑛遣燕榮以舟師自東海至吳此又淮北大海而至蘇州也公孫度越海攻東萊諸縣侯希逸自平盧浮海據青州此又遼東下海而至山東也宋李寶自江陰率舟師敗金兵于膠西之石臼島此又江南下海而至山東也此皆古人海道用師之效

沈氏曰海防考江南之要害四

曰金山衛以迫近海塘北接吳淞口也曰吳淞江以蘇松
二郡之要害也曰劉家河出大倉人犯之徑道也曰白茆
港自常熟入犯之要口也江之要害三曰新港卽三江
口以逼近揚州也口北海關從以通新插港又有鹽徒聚
艘于此也曰楊州也口北海關從以通新插港又有鹽徒聚
言海防惟三策出海口爲第一陳母使近城此爲上策循塘拒守
母使登岸此爲中策出水別陳母使近城此爲上策循塘拒守
已而至于守城則無策矣陳總兵曰天下沿海形勢從京師
天津東向遼海鎮山黃城皮島外對朝鮮左延東北山海
關寧遠蓋平復州金州旅順口鴨綠江而抵高麗右袤東
南山東之利津清河蒲臺壽光海倉口登州而至廟島成
山衛登州與旅順口南北隔海對峙東懸皮島西匝兩京
登萊是爲遼海登州一郡陡出東海盡於成山衛轉西南則靖海大
盛京天津者以成山爲標準也成山衛轉西南則靖海大
嵩萊陽鼇山靈山而至江南海州此皆登州西南之海也
海州而下廟灣而上則黃河出海之口河濁海清沙泥入
名曰五條沙中問深處呼曰沙行江南之沙船往山東者
恃沙行以寄泊船因底平少擱無礙閩船則底圓加以龍
骨三段架接高昂擱沙播浪立見碎折更兼江浙海潮外
無藩扞屏山以緩水勢東向澎湃故潮汐之流比他省爲
最急若之西風開避則舟隨漂擱靡不爲壞是以海船往

山東兩京必從盡山對東開一日夜避過其沙方敢北向
是以登萊海州而洋子江口內狼山外崇明鎮鎭長
灣南沙如阜通州而至崇明上鎖長江下扼吳淞東有
江沙坂急潮其概相似而崇明上鎖長江下扼吳淞東有
洋山馬蹟花廳陳錢諸山接連浙之寧波定海外島而嘉
興之乍浦錢塘之鹽于餘姚之後海寧波之鎮海雖沿海
相聯要疆但外有定海為之扞衛實內海之堂奧也惟乍
浦一處濱于大海東達漁山北達江南海之洋山定海之衢
山劍山外則汪洋言海防者當留意焉江浙外海以馬蹟
山為界山北屬江西南屬浙而陳錢外在東北俗呼盡山
山大澳廣可泊舟百餘艘山產水仙海淡菜海鹽賊舟
每多寄泊江浙水師更當加意於此南之海島由衢山岱
山而西至定海東南由劍山長塗而至普陀普陀直東之外
崙洛迦門有東崙山夏月賊舟亦可寄泊何功洋船回檣
且與盡山南北為角山腳水深非加長槌纜不足以寄
普陀之南自崙山至昌國衛接聯內地外有韭山弔邦亦
賊舟寄泊之所此皆寧波郡屬自寧波台州黃巖沿海而
下內有佛頭提督署門楚門外有茶盤牛頭積穀鰲壳石
塘枝山大鹿小虎在在皆賊艘出沒經由之區南接樂清
温州瑞安金鄉蒲門北溫屬之內海樂清東時玉環外有
三盤鳳皇北關南祀而北關之區不可忽也閩之海內自沙
温台內外海之區不可忽也閩之海內自沙

星南嶺於火一斗米北芟定海五虎而至閩安外自南
關大嶺小嶺皆山芙蓉北竿塘南自長樂之海花鎮東萬安
福寧縣外自義興而至草嶼中隔石牌洋外環海壇大島
爲右臂外自義興而至草嶼中隔石牌洋外環海壇大島
閩安縣外自義興而至草嶼中隔石牌洋外環海壇大島
山嶺外自義興而至草嶼中隔石牌洋外環海壇大島
渭洲外自義興而至草嶼中隔石牌洋外環海壇大島
經嶺外自義興而至草嶼中隔石牌洋外環海壇大島
盡山是也泉州北閩崇武嶺南則晉之永寧左右拱抱
內藏郡治下接金壇二島以達漳州金爲泉郡之下臂厦
爲漳郡之咽喉漳自太武而南鎮海六鰲古雷銅山懸鍾
在在可以寄泊而至南澳以分閩粵泉漳之東外有澎湖
島三十有六而要至媽宮西嶼頭北港八罩四澳北風可
以泊舟若南風不候有山有嶼可以寄泊而平風靜浪黑
濤白洋皆可暫寄以俟潮流洋大而山低水急而流迴北
之吉貝流礁一線直生東北一目未了內皆暗礁布滿僅
存一港蜿蜒非熟習深諳者不敢濯至南有大嶼花嶼貓
嶼北風不可寄泊南風時宜巡緝澎湖之東則爲臺灣北
自雞籠山對峙福州之白犬洋南白沙馬崎對峙漳之銅
山延縣二千八百里西面一片沃野自海至山淺闊相均
約百里西東穿山至海約四百五里崇山疊嶺野番類聚
建一部分四縣山川形勢生熟番性蜂窠蟻穴誌考諸載

郡治南抱七崑身而至安平鎮大港隔港沙洲直北至鹿耳門鹿耳門隔港之大線頭沙洲而至陳仔海翁陳皆西護府治而港之可以出入巨艘惟鹿耳門與雞籠淡水港其餘港汊雖多大船不能出入僅平底之膨船四五百石之三板頭船堪以出進此亦海外形勢以扞內地沿海要壘南澳東懸海島扞衛漳之詔安潮之黃岡澄海乃閩粵海洋適中之要隘外有小島三爲北澎中澎南澎俗呼爲三澎南風賊艘經由暫寄之所內自黃岡大澳而至澄海放雞廣漢錢澳靖海赤澳此雖潮郡支山入海實爲潮郡賊艘出沒之區晨遠揚於外洋以伺掠夜西向於島澳以偷泊而海賊之尤甚者多潮產也赤澳一洋自甲子門南至淺澳田尾遮浪汕尾鮐門港大星平海雖屬惠州而山川人性與潮無異故於居中碣石立大鎮下至大鵬佛堂門將軍澳紅香爐急水門由虎門而入粵省外自小星筆管沱海福建頭大嶼山小嶼山伶仃山旗幟嶼九州洋而至老萬島嶼不可勝數處處可以樵汲在在可以灣泊粵之賊艘不但船艦聚剽掠粵海之藏垢納汙者莫此爲甚漁舟皆可出海羣聚剽掠粵海之藏垢納汙者莫此爲甚廣省左扞虎門右扼香山而香山雖外護順德新會實爲省會之要地不但外海捕盜內河緝賊港汊四通奸匪殊甚且共域澳門外防番船與虎門爲犄角有心者豈可泛視哉外出十字門而至魯萬此洋艘番舶來往經由之標

準下接岸門三竈大金小金烏豬上川下川咸船澳馬鞍
山此肇屬廣海陽江雙魚之外護也高郡之電白外有大
小放雞吳川外有礪州下鄰雷州白鴿錦囊南至海安自
放雞而南至於海安中懸礪州暗礁暗沙難以悉載非深
諸者莫敢內行而高郡地方實藉沙礁之底也雷州一郡
自遂溪海康徐聞向南幹出四百餘里而至海安三面濱
海幅闊百里對峙瓊州渡海百二十里自海安繞西北至
合浦欽州防城而及交趾之江平萬寧州延長一千七百
里故海安下廉州船宜南風上宜北風自廉之冠頭嶺而
東白龍調埠州江永安山口烏兔處處沈沙難以名載自
冠頭嶺而西至於防城有龍門七十二逕逕相通逕者
島門也通者水道也以其島嶼懸雜而水道皆通廉多沙
欽多島地以華夷爲限而又產明珠不入於交趾是以亭
建海角于廉天涯于欽瓊州屹立海中地從海安渡脈南
崖州東萬州西儋州北瓊州與海安對峙瓊山文昌樂會
陵水感恩臨高定安澄邁沿海諸州縣環繞熟黎而熟黎
環繞生黎而生黎環繞五指嶺七指山五指西向七指南
向周圍陸路一千五百三十里府城中路直穿黎心至崖
州五百五十五里萬州東路直穿黎心至儋州五百九十
里自海口港之東路沿海惟文昌之潭門港樂會之新潭
那樂港萬州之東澳陵水之黎庵港崖州之大蛋港西路
沿海惟澄邁之馬袅港儋州之新英港昌化之新潮港咸

恩之北黎港可以灣泊船隻其餘港汊雖多不能寄泊而
沿海沈沙行舟實爲艱險內山生黎嵐瘴殊甚吾人可住
熟黎而不可住生黎生黎可住熟黎而不可到吾地熟黎
夾介其間以水土習宜故也此亦海外稍次之臺灣惜乎
田疇不廣歲仰需於高雷雖產楠沈諸香等於廣南甲於
諸番究非臺澎沃野千里所可比擬程方伯曰粵東山脈
海遼蛋獠雜處爲從古盜賊充斥之地我朝痛加勦戮
以次平定百數十年來休養生息民物滋豐逮乾隆五十
四五年盜賊復起緣安南黎氏衰微阮光平父子篡立兵
革不息國內空虛招致亡命崇其官爵資以兵船使其劫
掠我商漁以充兵餉名曰採辦實爲粵東海寇之始其時
太平日久水師懈弛緝捕不力商漁失業從賊者多地方
官亦不能杜漸防微而接濟銷贓諸弊無地不然泊乎光
續既亡羣盜無主爭爲雄長遂蔓延不可制若今之烏石
二總兵保東海八阿婆帶諸賊皆安南巨盜陳天保莫觀
輔等之頭目也嗣是以來添造戰船命將出師已二十年
而盜賊如毛訖無成效統計一歲之中我之擒賊極多不
過千餘名而賊首沿海一招從者如蟻船隻不待打造皆
得自商漁食貨不待經營皆得自劫掠海洋熟若門庭波
濤安如平地我師轉形怯懦矣兵去則分據各港無求不
獲兵來則連幫抗拒莫之敢擾我師轉形困瘁矣又以海
船全憑風力風勢不順雖隔數十里旬日半月猶不能到

也是故海上之兵無風不戰大風不戰大雨不戰逆風逆潮不戰陰雲蒙霧日晚夜黑不戰暴期將至沙路不熟賊眾我寡前無收泊之地皆不戰及其戰也勇力無所施全以大礮轟擊船身簸蕩中者後何幸而得勝我順風而逐賊亦順風而逃一望平洋非如陸地之可以伏兵獲也東行遊環而攻之賊匪計窮牛已投海然後獲其一二船而餘勢必回帆收港故其殄滅最難非大洋逃遁我師不敢冒險自效力四年三次出洋親冒矢石于風濤之壯厲危險海道之難易遠近各股賊匪之大小強弱與夫官兵之辛苦才否靈知大畧謹撮為籌辦海匪事宜若干條以備采擇一戰船宜派本管之武弁監修也從前修造船隻皆用出洋弁兵監修工程尙屬實在嗣因有不自弁兵需索匠人遂罷弁兵專用文員督造工竣稟請驗看台式即令武弁接收費用雖稍減于前而工料實不如舊蓋船工最為深微固與不固非一時外觀可得而盡一出海大洋巨浪掀簸真形畢現矣章前因帶領紅單船百號出海與舟師相從兩月見各船日夜厚水數百桶舫怪其沿海停泊而不得力也夫船者官兵之城郭房室車馬也船果堅實以戰則勇以守則固以追則速以衝則堅反是則憂沈溺覆亡之不暇安望獲賊憶在洋時見林總兵座駕海安四號一

船堅緻牢實行走快捷賊匪望而生畏詢之爲蔡廷芳監
造可知監工得人一船可收數船之用不宜因一二弁不
肖遂謂人人皆然也應請將船隻次第撤回徹底興修卽
派該管弁兵監修彼其身命所關自不聽匠人偷工減料
如有需索指名揭參至于料價必稍增益應由藩庫發足
勿令承修之員賠累而後工程可固此爲勦賊第一要務
一篷索旋舵桅木宜加料製備也海中浪起船如升天浪
落船如墜地一物不固卽有覆溺之憂憶與舟師相從東
西洋面三千餘里一遇大風舟師卽有折桅者一船折桅
全軍失色雖賊船唾手可得亦必舍而收港又不可棄以
資賊必求木易之三四月工乃竣而賊已從容遁矣行三
五日追賊將及桅壞復然所以出師兩月不獲一賊也應
請于篷纜旋舵桅加料修備并每船多給篷席繩纜一付以
備不虞灰麻油釘事事寬爲預備其頭大桅尤關緊要卽
不能全用堅完大木亦須鑲幫結實此皆官兵性命所係
不可忽之爲細故也一戰具宜逐件精良也海戰莫烈于
礮以大爲貴從前賊見官船奔避不戰爲礮少也數年來
劫我礮臺虜我官船及商夷船隻礮位已不可勝用矣其
大者至四五千觔我師之礮大者不過二三千觔勢不如
賊所幸兵丁施放較賊精熟惟須多備鐵釘參差束縛大
如礮口令于近賊時入礮施放一發可傷數十人比礮子
更烈此外如藤牌鳥槍長刀短刀竹槍之類均須備足至

過船拏賊莫妙火攻但我用火賊亦用火必我之火倍別
倍速然後我先燒賊而賊不能燒我聞前浙江李提軍別
用小船預貯硝磺柴草臨時發火駛燒賊船此古法也惟
是海上風濤迅厲火船未必能近賊即近矣賊以長竿
撞拒浪頭一湧各開火船丈斷難得力莫若仍照今法用火
確噴筒為良查賊船火確受藥不過五六觔噴筒大徑四寸餘
長八九尺我師火確受藥不過二三觔噴筒大徑不過四寸
長不過二尺三寸何勝賊應請製造亦如賊式確筒之中
加辣椒川烏斑蝥等末毒煙所製到賊已昏倒惟製須
密勿使泄漏更有火桶火斗二物受藥愈多火焰愈烈須
令多為預備于偏近賊船時攜上頭桅奮力遙擲其地擲
火確亦須上桅方能及遠三者之用死生勝敗決于須臾
必習熟精練方能先發制人但得二三件及賊賊必紛紛
投水其船可得矣一戰兵應請添配也向例捕賊米艇大
船配兵六十名中船五十名小船四十名數原不少惟是
米艇長大每船位多者十七八位少者十二三位每位派兵
三人又每船噸數恒不敷其火確噴筒簾牌鳥槍等物往往
顧倘遇賊匪窮而相搏後船接應不及兵丁慌亂輒先跳
水從前覆轍可鑑而賊匪小船必百七十八人中船八九十
大船百二三十人其盜首船不敢過蓋欲過賊船必先保護
及賊船見其槍刀林立輒不敢過

本船過船人少則不能殺賊而反見殺于賊過船人多則
本船空虛賊乘虛而入必致失事故用兵以來獲賊不少
而著名盜首從無一獲皆原于此凡盜首之船財貨充積
兵丁豈不思獲無如眾寡懸絕故憚而不前也夫擒賊必
先擒王得不思獲無如眾寡懸絕故憚而不前也夫擒賊必
十五名小船七十名人數既多軍心自壯而後賊首可擒
至水師不敷配撥應卽募諳練鄉勇令弁兵隨事教導亦
可得力也一戰船須常加彈洗也海水鹹澀船底易生蟻
殼民船每月必彈洗油刷一次賊船之速總因弁兵貧乏無
項可支應請酌給彈費俾得乘間彈油其船身紅黑顏色
亦須加染鮮明旗幟亦要整肅庶軍容壯而駕駛亦靈也
一海防守盤查各事應請責成巡道也接濟銷賊最爲
詭密非長住海岸不能得其情僞巡道職任監司分尊事
簡應請會同鎮將督率所屬常住海口實力奉行一切食
用夫馬別籌公費毋累地方官如果用得其人則行間謀
買官相機而動又州縣所管洋而少者百多者數百可與
將官相機而動又州縣所管洋而少者百多者數百可與
一經管給與月精神勢難周地方官由巡道派委佐貳雜職分
逐一搜查如于自備食用外多帶柴米木料釘灰油麻蒲
席繩纜等物及夾帶硝磺黃火藥者卽行拏究入口時查明

有無銷買賊贓仍分別勤惰以爲黜陟於防守斯爲得力
惟是口岸之接濟易查而荒村之接濟難查日間之接濟
可查而夜間之接濟不可查因地方官之制宜雇募船隻聯紳士
耆老爲耳目腹心是則在地方官之能事者一保甲之法
宜實力奉行也古法莫良於保甲地方官非不遵行但無
精神貫注則究於事無濟彼盜匪之米布硝磺蓬索麻油
鎗刀等物何一不由奸民接濟保甲果行之豈有此苦輩
貪盜利條告不足禁教化不足格惟威之于刑庶幾知斂
邇來法網恢恢非惟資財一經到官囚徒多幸免蓋緣接
濟銷贓之人必小資釋去此辦理接濟之徒役之輩或者
陰授以旨往往翻供釋去此辦理接濟之徒役之輩或者
飭令地方官實力編查一有犯者誅其人沒其家毋稍姑
息懲一儆百至于荒涼寂寥之地尤爲盜賊窩巢地方官
之威權法令窮而莫用則保甲又屬空談非大加釐剔恐
未易轉移也一鄉勇宜團練也水師出捕內地轉覺空虛
恐盜匪乘間入劫應請于援兵貼防之外飭地方官
委員督率紳士約保團練鄉勇頻加點閱器械其要整齊
一有盜警嚴密堵禦如有應設礮位之處備價申請果其
堵禦有方盜匪自不能入則盤查接濟銷贓等事亦易爲
力也一沿海船隻宜一例編查也接濟銷贓非船不行議
者謂禁止出洋則盜風自息其論自正惟是粵中人多田
少半食魚鹽之利概行禁絕則貧民無以爲生從賊益眾

況其勢亦不能悉禁要在地方官于所屬商漁鹽船一體
照例印烙編查十船為甲互相保結給與印照出入口所
塘汛逐細查驗所有蟹艇漁船夜間不許留宿口外至濱
海鄉村小船出入不由塘汛者尤為接濟銷贓之具盜匪
所在趨之若鶩應令地方官擇立殷實之人以為船總責
其訪查夜間總繫一處有不遵者破沒其船通同作弊者
誅無赦一硝磺宜禁私買也接濟之害米糧之外火藥為
最聞盜匪購買硝磺自行製配粵東頗海濕熱薰蒸遠年
墻土皆可煎熬成硝而硫磺則不能處處皆產防維較易
昔往惠潮嘉應一帶密查曾于豐順縣雁洋巡地方會同
揭陽令查得磺坑一區當經稟請封禁又訪英德縣磺廠
官磺之外多有私賣亦即稟請移知南韶連道嚴密查禁
數年來盜匪購買難誠恐日久疏防為禍不小應飭地
方加意查拏一有私賣立置重典一海上商鹽船隻應請
護送禁止散行也盜匪多劫一船即我師多受一船之害
其財貨可食數月其船隻可用數年所不用者勒取米糧
布帛猪雞確確等物聽人贖回愚民罔顧法紀潛購以往
地方官無從稽查惟紅單船與賊為仇其東西兩路商漁
鹽船多向賊匪納銀打單故得散行無忌而接濟銷贓即
寓其中此害之大者也應請查禁毋聽散行總須彙齊數
十號為一幫就近申請帥船順便護送如有散行者一
體拏究如此則盜賊內無接濟外無劫掠不擊自敗矣

海運

唐時海運之事不詳於史蓋柳城陷沒之後至開元之初

新立治所

（原注唐書地理志營州柳城郡萬歲通天元年爲契丹所陷聖歷二年僑治漁陽開元五年又

遷治

乃轉東南之粟以餉之耳及其樹藝已成則不復資

於轉運非若元時以此爲恒制也舊唐書宋

（原注通鑑作宗慶禪

張九齡駁諡議曰營州鎮彼戎夷扼喉斷臂逆則制其死

命順則爲其主人是稱樂都其來尙矣往緣趙翽作牧馭

之非才自經隳廢便長寇孽大明臨下聖謀獨斷恢祖宗

之舊復大禹之迹以數千之役徒無甲兵之強衛指期遂

往稟命而行於是量畚築執磬鼓親總其役不愆所慮俾

柳城爲金湯之險林胡生腹心之疾尋而罷海運收歲儲

邊庭晏然河朔無擾與夫興師之費轉輸之勞較其優劣

孰爲利害此罷海運之二證

謝占王曰海運法一曰古今海道異宜擇舟航海自古有之而要其

諸與不諳而已夫江南海船之赴天津奉天所經海道如

吳淞口外之銅沙大沙三角沙丁家沙陰沙五條沙皆漲

於水底貼於西岸而沙脈之東海而漲闊無涯舟行至此

只須向東開行以避其淺諸練者定之以更香辨之以泥

色量風湖之緩急測海而之程途趨避原有適中之方所

謂駕輕就熟也不諳者或避之太過而迂遠焉則遇風而

驟難收島或避之不及而淺觸焉則棄貨以保人船針向

差以家釐路程謬以千里此古疏而今密者一也又如登

州所屬之石島俚鳥雞鳴島威海衛之罘島廟島皆聳列

海濱環抱內港舟行至此或遇風潮不順皆可進港守風

諳練者知各島門戶之淺深各門潮溜之順逆轉旋有法

行止從容不諳練者船近山邊不知進退水山相激最易

疏虞此古生而今熟者二也前代天津奉天通商未廣江

南海船多至膠州貿易不過登州登州海面無從習練故

前明海運南糧乃自江西南出口運至膠州仍用漕船由山

東內河二千餘里運至登州再裝海船轉運天津是一米

而三易其船一運而三增其費且無論糜費勞工諸多未

便而頭緒紛繁弊端百出程期愈遠耗散愈多皆不可以
 爲恒計也苟使時昔舟師亦能熟識海道則從江南運至
 膠州已經繞出淺沙經過黑水大洋海程已歷二千餘里
 如欲直上天津不過再遠千里且有沿途島岸可以安歇
 守風何以已過險遠之外洋反避平恬之內海可知未閱
 登州潮汛其寸步難行也自康熙間大開海道始有商賈經
 過登州海面直趨天津奉天萬商輻輳之盛亘古未有從
 此航海舟人互相講究凡夫造舟之法操舟之技器用之
 備山礁沙水趨避順逆之方莫不漸推漸準愈熟愈精是
 以數十年前江浙海船赴奉天貿易歲止兩次近則一年
 行運四回凡北方所產糧豆棗梨之類運來江浙每年不
 下一千萬石此海道安瀾迅速古今利鈍懸殊又可想而
 知矣然則元明行之而不久者限於人力至於我朝而
 籌海運則地勢人工均超千古似未可以前代情形引爲
 比例也二日行船提要江南海船赴天津路程必由吳淞
 江出口至崇明南奈山向東北駛過淺沙而至淡水大洋
 朝見登州山島爲之標準轉向內行以達天津所經江南
 洋面水不甚深隨路可寄旋歇息入山東淡水大洋無沙
 礁淺攔之虞可以暢行無須寄泊自登州以至天津沿途
 山島均係統連內地皆有營汛彈壓倘遇風潮不順隨處
 可以安歇守風江南海船名曰沙船以其船底平闊沙面

可行可泊稍攔無礙常由沙港以至淮安販蟹爲業是以
沙脈淺深最爲爛熟沙港者沙間之深溝也浙江海船名
蜆船又名三不像亦能過沙然不敢貼近淺處以船身重
灰沙船故也惟閩廣海船底圓而高下有大小木三段貼於
船底名曰龍骨一遇淺沙龍骨陷於沙中風潮不順便有
疏虞蓋其行走南洋山礁叢雜船有龍骨則轉灣趨避較
爲靈便若赴天津須先至江南盡山停泊等候西風向東
開行一日避出淺沙北行方保無虞故赴天津奉天歲止
一次如運漕糧但僱江南沙船足可敷用蓋各省之海面
不同船式器具亦因而有別而操舟之法器用應手之權
亦各有所精非局外者所能悉其竅要也三日四時風信
海船自江南赴天津往來遲速皆以風信爲準繩而風信
則有時令之不同春季西北風少東南風多自南至北約
二十日自北至南逆風不能駕駛須待秋後北風方可返
棹秋季北風多南風少自南至北約一月自北旋南約二
十日冬季西北風司令自南至北則不能行自北旋南半
月可到此四時風信之常度也或隨路進島候風卽有差
遲至多不過一月內河行船必須順風且一遇狂飈逼處
兩岸尤易損船外海寬敞但非子午逆風均可掉鐵駕駛
雖遇狂風大洋無山岸沖撞之虞不能爲患惟外國洋船
大較數倍錯過順風寸步難行待次年順風時候方可揚
帆至於暴風亦有暴期定日隨路可以守島迴避假如初

十日是暴風期初一日船在江南看天氣晴明而有順風
 便可揚帆開駛三五日間即可駛至山東石島收停島內
 以避暴期夫風信自南北東西正方之外兼以東南東北
 西南西北共計八而海中設逢風暴所忌者惟恐單面東
 風飄擱西岸淺處為害此外七而暴風或飄停北島或收
 泊南洋或闔至東海候風定而回皆可無害則是四時之
 風信厥有常度可揆四時之風暴亦有定期可據占法可
 參而不知者概謂風波莫測非習練之言也四日趨平避
 險夏至後南風司令海船自南赴北鮮有疏失立秋後北
 風初起自北旋南亦鮮疏虞春春季四而花風不比冬季朔
 風緊急設有疏虞約在干中之二三冬季西北風當令自
 南向北則不能行自北向南或遇東風緊急飄至淺處將
 船中貨物拋棄數成船載輕鬆便可無恙者有之或至西
 岸沙脈極淺之處擱漏損傷者有之或遇西北狂風颶至
 外國數月而返者亦有之蓋在百中之一二焉此惟商賈
 乘時趨利重價僱船不得不冒險趕運如運漕糧則不在
 狂風險阻之時只須夏季運裝可保萬全諺云夏至南風
 高挂天海船朝北是神仙言夏至以至立秋計有四十餘
 日當令之南風一歲中履險如平在斯時也五日防弊清
 源浙江海船水手均安本分非同遊手每船約二十人各
 有專司規矩整肅蓋其生長海濱航海經營習以為常亦
 猶鄉人之務農山人之業樵焉又皆船戶選用可信之人

有家有室來歷分明假使傷損一船商貨價值五六千金
船價亦值五六千金無不協力同心互相保重不知者或
恐貨被盜賣偽爲人船盡失夫貨或盜賣船可藏匿船冊
上有名姓年貌箕斗之舵水人等二十名終不能永匿而
不出或恐捏報船貨失於內洋人等自海邊登岸既可登岸
則可就近報明營汛保甲查驗損船形跡或恐捏報船禍
淺沙將貨拋卸海中以保人船此惟冬季朔風緊急偶或
有之亦必有前後衆船消息可稽若運漕糧不在冬季狂
風險逆之時萬無此事總之船戶各保身家舵水人等亦
各有家眷保人遞相牽制倘有情弊一船二十人之口角
行踪萬無不露之理是以商賈貨物從無用人押運惟以
攬載票據爲憑訂明上漏下濕缺數潮霉船戶照數賠償
惟風波不測則船戶商家各無賠抵今如裝運漕糧設有
缺數潮霉即可照商例賠償其風波不測一端夏季順風
赴北本無此患然而官事章程必歸畫一方爲萬全因思
內河運船到北時日久長沿途耗米必多而交卸正米之
外尚有升合盈餘外海運北豪無耗散則餘米數目自必
更多萬一風波不測卽約以衆船餘米均攤賠補不但輕
而易舉亦且有益無絀兼可使衆船餘米均攤賠補不但輕
至於南裝北卸自有官司彈壓島址暫停亦有營汛稽查
各省沿海口岸皆有關防海船進出必驗船牌來歷奚容
豪髮隱瞞或恐船數眾多散漫無稽則可冊編某戶之船

定裝某縣之糧分縣稽查尤爲簡便更有經過牙行堪作
衆船保領自無虞其散漫無稽也六曰海程捍衛方今
竊見南洋營汛防禦森嚴北省海程更資捍衛蓋以閩浙
廣東三省海面懸山叢雜水不甚深若戰船緝捕易於躲
避是以昔年洋匪滋擾皆在南洋江蘇洋面均有沙脈匪
徒船底皆有龍骨一經營船追捕匪船陷入沙中寸步不
能逃遁故前此洋匪未靖江浙商船赴北運貨皆到江蘇
有竄北者非因戰艦嚴追卽被暴風飄至冒險逃命苟延
旦夕而已山東洋面均係深水大洋東向渺無涯際無處
避風西岸山島統連內地海船出入必有營汛稽查匪船
無照不敢泊停島內懸海飄颺一遇狂風無從托足天津
則有黃蓋壩以守門戶利津則有牡蠣嘴以作咽喉奉天
地勢東抱旅順南對登州堪作海防關鍵此四省洋面天
然之保障也或慮外番市舶潛上北洋遊逸不知外番水
土仰給中華葯物以養命者急於水火方皆感懼不遑奚
敢潛遊犯法且其所經海面如七洲沙頭清水瀉水萬里
長沙千里石塘皆屬海中極險之區非船身巨大不能駕
駛而船身既大行走必遲我國家戰艦商船便捷如飛
利鈍懸殊防禦尤易至其分駕散船在閩廣淺洋猶可齊
驅並駕若至北海大洋斷難魚貫而行卽如江南商船同

日揚帆出海雖有百號之多次日一至大洋前後左右四散開行影踪莫指直至朝見登州山島方能進島會齊而巡緝營船星羅棋布常在島外巡查不容匪船混跡此海面之遼闊捍衛之森嚴可想而知矣如運漕糧必欲籌及萬全祇須江南戰艦在江浙交界之盡山防護南海懸山至此而盡故名盡山中抱內港或恐匪類潛藏此外直至天津並無懸海山島可以潛匿者卽登州緊對之大欽小欽大黑小黑大竹小竹等山皆係海面孤山並無環抱內港四面受風不能停泊且與登州近在咫尺登鎮哨船巡查最密或謂糧運大事雖北洋無須爲護送之計而國家體制亦宜有官兵押運爲稽查船戶之需似祇須糧道大員運糧千總以及各省水師千把百員各省水師壯兵千名分船押運足資彈壓兼可使水師後進新兵習嫻海性經歷波濤實於海防大有裨益七日水腳匯籌江浙兩省商船邇年陸續加增擇其船戶殷實積具堅固者足有一千餘號大小統計每船可裝倉斛南糧一千餘石至於水腳價目原有貴賤不齊大抵隨貨利之厚薄定水腳之重輕數十年來僱船大概情形極貴之時每關石計水腳規銀三兩每兩折實錢六百七十六文每關擔計倉斛二石五斗有零合計每倉斛水腳實錢八百十文蓋水腳每石三兩間有是價而銀非足銀斗非倉斗不可不明辨也其每年攬載商貨可運三四次不等今如夏季順帶便裝

漕米一次每倉石酌與水腳若干春秋冬三季仍可運裝
商貨三次統計所獲水腳價銀仍如統年運商貨四次矣
惟必須每年春季準其先運商貨一次立夏前後必可如
期回南夏至以前將江浙等處糧米駁至上海裝下海船
陸續開行至大暑節必可齊到天津停泊海口即用官備
駁船卸存天津北倉再為轉駁通倉處暑以前務使海船
掃數回空使其再裝秋冬兩次商貨回南庶官商並運兩
無延誤蓋彼船戶之所深慮者惟恐裝卸漕糧遲延日月
錯過順風時令以爲一年僅行兩次則所獲水腳價銀不
敷水手辛工及添補損具之用又慮南地兌糧米色不乾
到北交卸升斗不敷天津駁運通倉不知作何經理一切
章程茫無頭緒此所以有畏難不前之勢也殊不知升斗
例有盈餘駁船自有官備南裝北卸自可刻期趕緊兌漕
米色定例乾圓潔淨而海船順風運北爲日無多既無耗
散亦不蒸霉且可安插氣筒露風透氣各令包封樣米可
期一色無差果能立法之初官事民情安妥爲參議予以平
允則船戶莫不踴躍趨從始終遵奉且殷商富戶將必有
添造海船以覓利者雖全漕亦可裝運如現在商船暫時
趕運全漕則須春夏兩次裝運方資應用至於東直兩省
所需南省貨物內河減運之後海船裝帶南貨趨利如飛
更必易於充裕卽達北地敷收南省豐稔之時更可額外
添運川廣臺灣米石源源接濟尤爲迅速所慮者事固難

於圖始又更難於成終如果僱船運糧裝卸日期必須限
定節氣勿令逾期若使日久弊生南北胥役需索陋規駁
船裝卸輾轉延遲給與水腳扣色減平種種侵肥必致公
私兩誤甚至該船殷戶求爲無業之窮民而不可得又不
可便捷如欲權時趕運全清惟有春夏兩次運裝其裝糧
爲日須在年內兌糧陸續裝海船新正一齊開放迨天
津開東後必可到齊駁卸天津北倉限以一月卸通至穀
雨節海船全數回空趕赴關東運裝客貨至小滿節必可
如數回南再裝漕米夏至後赴北立秋以前又可到齊天
津交卸仍限一月卸通白露節回空再運關東客貨如能
九月內到南尙可赴山東近處趕裝客貨年底全數回南
再裝次年漕米則海船更有裨益矣施彥士曰以今日而
籌海運其至便者有四其無可疑者有四昔邱濬慮海道
不熟擬募漁戶造船往返十餘次以尋元人故道隆慶間
王宗沐以不習海道有鴛游山之失崇明沈延揚生長海
上猶抗疏三上始行踏勘小試以漸加增今開海禁百三
十餘年江浙濱海多以船爲業往來天津熟習有素皆踏
勘之人卽皆歷試之人無庸別募屢試其便一昔人擬於
崑山太湖起廠造船然一經官造率虛器不堪用今沙船
大者二三千石小亦千餘石不等募其堅緻牢實百無一
失無庸別造其便二又漕運多置僱督官員今卽擇船戶

殷良者督之無庸別委反多掣肘其便三其僱價似可照
 沈廷揚議每石二兩六錢折合蘇石六百餘文卽以造船
 銀及旗丁行糧給之已省其大半無庸別開帑藏其便四
 然而有疑大洋之險或不免漂溺者不知商民往來海外
 遭覆溺者百不一二又率在秋冬若春夏二運南風甚利
 至爲穩當況兌糧時原有每石加耗今可量裁之取一斗
 與船戶以備各船通融賄補而正額萬無一失其無可疑
 一也然而有疑改運後旗丁難於安置者不知朝廷簽
 丁所以濟運非爲丁無生計而以漕運濟之也況變通之
 初卽事有漸近海如蘇松常鎮四十七幫約計軍船二千
 四百餘隻每年約須造船二百數十隻今先舉二百餘船
 米數由海抵通而省該丁造船勞費仍給月糧休歸軍伍
 或別開屯田俾安耕鑿以漸轉移有何不便其無可疑二
 也前嘉慶十六年籌辦海運督撫以十二不可行奏覆所
 云頭號沙船不過五六十號每船不過帶米四百石此乃
 有意從少而言若實計全數則沙船不過帶米三四十石
 重正供七分裝載亦可裝一二千石況其餘次號沙船力
 勝一千餘石者亦不下千有餘號其無可疑者三也至所
 稱帶米四百石須水腳一千餘兩蓋就前明沈廷揚所議
 每石二兩六錢計之也若就現在民價每石一兩四錢每
 兩折錢六百三十文合足錢八百八十二文而關東一石
 當江蘇二石五斗則蘇石祇須錢三百餘文卽極貴之價

如沈議二兩六錢者折合蘇石亦止須錢六百餘文況現
定價值酌議加增有不踴躍從事者乎其無可疑者四也
其所可慮者蓋不在受載而在卸載恐解手舞弊也不在
水力短少而在胥吏需索恐浮費無窮也誠俾船戶知隨
到隨卸絕無抑勒稽留方且爭先恐後而何海運之不可
行哉至程志忠所稟五條沙之險蓋爲尖底閩船言之若
平底沙船遠在沙外往來過成山時風利不必泊無風可
以守風絕不聞沙船畏其險也沈廷揚有言耕須問奴織
須問婢而以海道問諸素不習海之委員其可據乎阮閣
部曰海道如果行則浙江之糧當從何處起運或疑卽由
杭嘉寧台諸府入海而不知非也案此事元明兩史雖未
明言然以事蹟核之似皆運至太倉劉家港上海船啓行
攷史至元二十二年以前以軍萬人載江淮米泛海由利津達
京師又二十五年以前江南米陸負至淮安易牖七然後
入海則其時尚未全用劉家港海道迨武宗至大四年以
江東寧國池饒建康等處運糧率領海航從洋子江逆流
而上海水湍急又多石磯走沙漲淺糧船易壞又湖廣江
西之糧運至眞州泊入海船大底小亦非江中所宜於
是以嘉興松江秋糧并江淮江浙財賦府歲辦糧充運此
乃全用劉家港入海之始自後海運之船總泊于此故至
元十四年十一月詔江浙等處糧盡數赴倉候海運則劉
家港當自有倉浙江斷無別自赴海起運之理且元末方

張之亂史特書詔遣兵部尚書巴延特穆爾斡樵賄戶部尚書齊履亨徵海運于江浙先由海道至慶元抵杭率海舟候于嘉興之澈浦而平江之粟展轉以達杭之石墩又一舍而後抵澈浦乃載于舟海濰淺澀躬履艱苦則前此之不由斯道可知雖其後戶部尚書貢師泰以閩鹽易糧由海道運京師或仍由此處然皆多事之秋其實非本意也明太祖洪武元年命征南大將軍湯和造舟明州運糧輸直沽又二年令戶部於蘇州太倉儲糧以備海運供給遼東五年命靖海侯吳楨督海運總舟師數萬由登州祇由大倉故萬厓會計錄云永樂元年令江南民糧悉運太倉州于平江劉家港用海船繞出登萊大洋以達直沽改崑山州為太倉衛當亦由此陶宮保曰海運與河道相表裏禹貢載揚州貢賦沿海達淮冀州夾右碣石入海即海運之始秦唐雖亦偶行其道難稽明則由膠萊內河轉般登州實為勞費惟元代海運最久尋因其路險惡別開生道明人沿嶼求道非雌卽淺無怪其難自不若元代所開生道即今沙船所行吳淞口至十潑一路為宜而由此運米入海實勦自今年第屬初行不敢不倍加愼重詳加詢問證以紀載得其逕道至于大洋浩瀚本無畔岸雖舟人定以更香驗以水色格以針盤究難確指其道里數目惟有就西岸對出之州縣汛地比照核計不相逕庭其小

島微嶼亦難盡載謹摘敘大凡略分段落并繪圖貼說焉
第一段自上海縣黃浦口岸東行五十里出吳淞口入洋
繞行寶山縣之復寶沙迤至崇明縣之新開河一百一十
里又七十里至十畝是為內洋可泊船為候風放洋之所
崇明縣地第二段自十畝開行即屬外洋東迤百八十里
至佘山一名蛇山又名南槎山係荒礁無居民不可泊但
能寄旋為東出大洋之標準蘇松鎮所轄第三段自佘山
向正北微偏東行至通州呂泗場對出之洋面約二百餘
里水深十丈可寄旋從此以北入黑水大洋至大洋梢對
出之洋面約百四十里狼山鎮右營所轄又北如皋縣對
出之洋面起至黃沙洋港對出之洋面約二百六十里又
北泰州對出之洋面起至黃家港對出之洋面約二百二
十里狼山鎮掘港營所轄又北至鬬龍港對出之洋面約
二百里又北至射陽湖對出之洋面約一百二十里黃河
口對出之洋面約一百八十里營所轄又北至安東縣灌河
口對出之洋面約九十里一個湖營所轄又北至海州贛榆
縣鷹游門對出之洋面約一百八十里東海營所轄計自
佘山至鷹游門與一千五六百統歸狼山鎮汛地凡舟過
針頭偏東一個字如西南風則針向北略東行如東南風
則針向西略南行如正針因江東鐵樣山遙對謂之南槎
北槎行船應用子午正針因江

南雲梯關外迤東有大沙一道自西向東接漲甚遠暗伏
海中恐東風過旺船行落西是以針頭必須偏東避過暗
沙再換正針此沙徑東北積為沙埂舟人呼為沙頭山若
船行過于偏東一直上北便見高麗諸山故將近大沙仍
須偏西始能對成山一帶也第四段過鷹游門往北卽山
東日照縣界山至東水師南洋汛所轄又北至文登縣之
槎山自奈山至此始見島嶼又北至文登縣之馬頭嘴入
東洋汛界經由蘇山島靖海衛及榮成縣之石島養魚池
石島居民稠密可泊惟島門東南向春時乘風易入難出
自鷹游門至石島約六百餘里雖以針盤定方向猶須常
用水托水托者以鉛爲墜用繩繫之探水取則也每五尺
爲一托十托開船試水自十托至二十托係黑水再試至十
試水均在三托上大沙洋面行過大沙試水漸深至五十
托上下卽知船到大沙洋面行過大沙試水漸深至五十
托上下視水綠色則係山東洋而順風再一日試水二十
托上下水仍綠色遙望北槎及石島一帶山頭隱隱可見
再行半日卽至石島洋而此赴北一定針路也第五段自
石島至俚島洋而約百六十里俚島至成山洋面約百四
十里俱榮成縣地爲南北扼要之所可泊水綠色針盤仍
用子午略偏東從成山轉頭改針向西略北入北洋汛界
至文登縣之劉公島約百餘里又北至蓬萊縣之廟島二
西至福山縣之罟島百餘里又北至蓬萊縣之廟島二

百餘里自石島起至廟島止九百餘里之采島西北一帶
有暗礁船行偏東以避之又廟島之東有常山頭淺灘宜
避試水在十五六托至二十托不等船至廟島以東南風
爲大順計東省洋面一百零五島中有二十五島爲海道
要地而廟島尤大可以停泊第六段自廟島過掖縣小石
島卽入直隸天津海口約九百里針對大西偏北沿途試
水在十四五托再至六托上下水黃色水底軟泥可拋錨
候潮進口約計海口逆流挽絳百八十里卽抵天津東
關外計自吳淞口出十欸東向大洋至采山北向鐵槎山
歷成山西轉之采島稍北抵天津總計水程四千餘里又
曰古來海運如禹貢碣石入河秦起黃腫輓遼左乃在瀛
滄登萊境內對渡關東道里無多唐宋偶一饒運其數更
微故史不載明初張赫等初運三十萬最多至七十萬永
樂中陳瑄始建倉于直沽亦正以百萬爲名其後沈廷揚
自淮河開洋七日抵天津一時詫爲異事其實經營已
閱年餘所運二萬六千石而已卽元代海運最多其初運
亦僅四萬三千石行之七八年猶祇運米數十萬漂失動
以萬計從未有不損額漕一稊米如今之所運者仰惟
終不溺一人不損額漕一稊米如今之所運者仰惟
聖人在位海若馮夷莫不效職而瀛民蜃客生長
平習于沙線操駕日精昔之望洋興歎以爲波濤不測者
久已視爲坦途揚帆直上無礁崖之岢嶽無港汊之灣環

轉較諸內河爲易議者每謂河運費財海運費人由今觀
之海運果費人否耶然則費財之說舍海運亦奚以易之
蘇松數府州漕額甲天下而丁船經行內河提溜挽閘制
淺般坦與夫押運交兌饋驗之費多不能省丁疲索之官
官復問之民民力億矣而官與丁亦敢使蘇屬海運遂行
省歲費不啻十之四五東南民力庶有鳩乎若夫難海運
者曰盜賊曰潮濕曰侵蝕實皆無可慮但患南兌易而北
卸難章程不可不豫立耳汝成案先生郡國利病書引王
氏宗沐議云別通海運兩漕並輪國計益足彼不來而此
來先臣邱濬固已言之此國家至深至遠之計一利也漕
河身狹閘座珠聯漕船勢必立幫以防爭越守候日久則
百弊生而軍食費今海運開洋不必立幫二利也海運既
通雖有漂流實無挂欠且漂流亦不待于勘報稽違以誤
總計三利也今漕河浙江蘇松常鎮寧國太平共糧幾二
百萬石每石扣過江米七升共費米十三萬二千石而入
淮以後遇淺又需船割今海運則過江米與盤剝費數十
萬省四利也漕河運軍兌米已畢憚于空歸牽挽之勞往
往將船鑿沈而逃每歲計費不貲今海運無船將不能歸
則沈船可省五利也各軍有行糧有賞錢有安家今行海
運舟大人多許其稍帶南貨免其抽稅漸減行糧諸色六
利也漕河行糧有在水次隨支者每每徵收不齊卽改本
色守候頗艱苦海運則須盡給凡一應料價輕齋月糧等

項料理自齊七利也漕行日久耗米不貲海運則行甚迅
急耗米可節八利也海運既行百貨湊合物價既輕行戶
亦裕以貨推米亦深計者所不廢九利也遼東孤懸餉饋
甚艱海運既通則一水可達如洪武三十年故事十利也
歷代漕運大率雇募轉般今行直達往返疲勞若海運則
每行五鼓開船已時卽住春初入兌夏盡卽休疲困自蘇
十一利也兌運之弊盜竄侵越甚或官軍俱逃今行海運
欲盜誰市欲逃焉往十二利也其言得失雖屬踳筌然海
運之利在前明已略見矣

舊唐書懿宗紀咸通三年南蠻陷交趾徵諸道兵赴嶺南
時湘灘泝運功役艱難軍屯廣州乏食潤州人陳磻石詣
闕上書言江西湖南泝流運糧不濟軍師士卒食盡則散
此宜深慮臣有奇計以饋南軍天子召見磻石因奏臣弟
聽思曾任雷州刺史家人隨海船至福建往來大船一隻
可致千石自福建裝船不一月至廣州得船數十艘便可

致三萬石至廣府又引劉裕海路進軍破盧循故事執政
是之以礮石爲鹽鐵巡官往揚子院專督海運於是康承

訓之軍皆不闕供

仇氏曰邱濬曰海運自秦已有之而唐

方之用而已用之以足國則始於元初伯顏平宋命張瑄
朱清等以朱圓籍自崇明由海道入京師至元十九年始
建海運之策命羅璧等造平底海船運糧從海道抵直沽
是時猶有中藥之運不專於海道二十八年立都轉運萬
戶府督歲運至大中以江淮江浙財賦府所辦糧充運自
此至末年專仰海運矣說者謂雖有風濤漂溺之虞然視
河漕之費所得益多故終元之世海運不廢梁夢龍曰元
史稱元人海運民無輓輸之勞國有儲蓄之富今國家都
燕財賦自東南而來者僅恃會通一河識者不無意外之
慮若尋元人海運之道別通海運一路與河漕並行江西
湖廣江東之粟照舊河運而以浙西東瀕海一帶由海運
未爲非策也又曰元人由海運或至損壞者以起自太倉
嘉定而北也若但自淮安而東循登萊以泊天津本名北
海中多島嶼可以避風與東南之海渺茫無際者迥異誠
議運於此是名雖同於元人而利實專於便易矣山居贊
論曰禹貢言浮於江海達於淮泗又曰夾右碣石入於河

是貢賦之道未嘗不兼用海也秦人飛芻輓粟起於黃腫琅瑯負海之郡轉輸北河其制未盡非而用民失其道矣說者謂海運作偏於秦而效法於元豈通論哉

燒荒

守邊將士每至秋月草枯出塞縱火謂之燒荒唐書契丹每入寇幽薊劉仁恭歲燎塞下草使不得畱牧馬多死契丹乃乞盟是也其法自七國時已有之戰國策公孫衍謂義渠君曰中國無事於秦則秦且燒燭獲君之國

英宗實錄正統七年十一月錦衣衛指揮僉事王瑛言禦鹵莫善於燒荒蓋鹵之所恃者馬馬之所恃者草近年燒荒遠者不過百里近者五六十里鹵馬來侵半日可至乞敕邊將遇秋深率兵約日同出數百里外縱火焚燒使鹵

馬無水草可恃如此則在我雖有一時之勞而一冬坐臥可安矣翰林院編修徐瑄原注後改名有貞亦請每年九月盡勅坐營將官巡邊分爲三路一出宣府抵赤城獨石一出大同抵萬全一出山海抵遼東各出塞三五百里燒荒哨瞭如遇邊寇出沒卽相機勦殺此先朝燒荒舊制誠守邊之良法也

家兵

古之爲將者必有素豫之卒春秋傳冉求以武城人三百爲己徒卒後漢書朱儁傳交趾賊反拜儁刺史令過本郡簡募家兵張燕寇河內逼近京師出儁爲河內太守將家兵擊卻之三國志呂虔傳領泰山太守將家兵到郡郭祖

公孫犢等皆降晉書王渾傳爲司徒楚王瑋將害汝南王亮渾辭疾歸第以家兵千餘人閉門距瑋瑋不敢逼汝成案將帥家丁前代多有明史所載如王越馬永馬芳梁震李成梁滿桂張神武趙率教金國鳳侯良桂等傳皆有之竝著成效其始則出于戰國時之陰養死士漢李陵之荆楚劍客亦其類也盛于唐藩鎮之牙兵謂之外宅兒至結爲義于大約在兵間久不得不用選鋒以求制勝然養之不易散之尤難以此名亂亦時時有之任師中者惟當簡擇士伍拔其豪俊優其獎賞勤其訓練則屑沾皆可使成勁旅雖官有遷移或有數年之功廢于一旦之歎然所至如此轉移非難衛身衛國所裨多矣

少林僧兵

少林寺中有唐太宗爲秦王時賜寺僧教其辭曰王世充叨竊非據敢違天常法師等竝能深悟幾變早識妙因擒彼兇孽廓茲淨土聞以欣尙不可思議今東都危急旦夕

殄除並宜勉終茂功以垂令範是時立功十有三人裴淮
少林寺碑所稱志操惠瑒曇宗等惟曇宗拜大將軍餘不
受官賜地四十頃此少林僧兵所起考之魏書孝武帝西
奔以五千騎宿于渥西楊王別舍沙門都維那惠臻負璽
持千牛刀以從舊唐書元和十年嵩山僧圓淨與淄青節
度使李師道謀反結勇士數百人伏于東都進奏院乘維
城無兵欲竊發焚燒宮殿小將楊進李再興告變畱守呂
元膺乃出兵圍之賊突圍而出入嵩岳山棚盡擒之宋史
范致虛以僧趙宗印充宣撫司參議官兼節制軍馬宗印
以僧爲一軍號尊勝隊童子行爲一軍號淨勝隊然則嵩
維之間固世有異僧矣

嘉靖中少林僧月空受都督萬表檄禦倭於松江其徒三十餘人自爲部伍持鐵棒擊殺倭甚眾皆戰死嗟乎能執干戈以扞疆場則不得以其髡徒而外之矣宋靖康時有五臺僧眞寶與其徒習武事於山中欽宗召對便殿命之還山聚兵拒金晝夜苦戰寺舍盡焚爲金所得誘勸百方終不顧曰吾法中有口回之罪吾旣許宋皇帝以死豈當妄言也怡然受戮而德祐之末常州有萬安僧起義者作詩曰時危聊作將事定復爲僧其亦有屠羊說之遺意者哉

趙氏曰後周書齊主緯旣被擒任城王浩猶固守沙門東應募者亦數千人唐書李罕之少爲浮屠後去爲盜會堯臣蜀醒志廬山闢通寺南唐時賜田千頃養之極厚曹彬等渡江寺僧來抗金陵陷乃遁去金主亮死山東豪傑皆起兵有僧義端亦聚眾千餘欲遁幸弃疾知其將奔金追殺之金宣宗紀夏人犯積石州羌界寺族多陷惟桑

通寺僧看通路通斯沒及答那寺僧奔鞠等拒而不從詔賞諸僧針轄正將等官明成化中劉千斤之亂康都督募紫微山僧惠通勅之通直入賊營與千斤鬥千斤乃降崇禎中史記言知陳州以流賊充斥乃募士聘少室僧訓練之此皆僧兵故事也

毛葫蘆兵

元史順帝紀至正十三年立南陽鄧州等處毛葫蘆義兵萬戶府募土人爲軍免其差役今防城白效因其鄉人自相團結號毛葫蘆軍故以名之朶爾直班傳金商義兵以獸皮爲矢房如瓠號毛葫蘆軍甚精銳大學衍義補今唐鄧山居者以毒藥漬矢以射獸應弦而倒謂之毛葫蘆成化三年國子監學錄黃明義言宋時多剛縣夷爲寇用白芳子兵破之白芳子者卽今之民壯也

方音

五方之語雖各不同然使友天下之士而操一鄉之音亦君子之所不取也故仲由之嘑夫子病之馭舌之人孟子所斥而宋書謂高祖雖累葉江南楚言未變雅道風流無聞焉爾又謂長沙王道憐素無才能言音甚楚舉止施爲多諸鄙拙世說言劉眞長見王丞相旣出人問見王公云何答曰未見他異惟聞作吳語耳又言王大將軍年少時舊有田舍名語音亦楚又言支道林入東見王子猷兄弟還人問見諸王何如答曰見一羣白項烏但聞喚啞啞聲北史謂丹楊王劉昶呵罵僮僕音雜夷夏雖在公坐諸王每侮弄之夫以創業之君中興之相不免時人之議而況

於士大夫乎北齊楊愔稱裴徽之曰河東士族京官不少
惟此家兄弟全無鄉音其所賤可知矣至於著書作文尤
忌俚俗公羊多齊言淮南多楚語若易傳論語何嘗有一
字哉若乃講經授學彌重文言是以孫詳蔣顯曾習周官
而音草楚夏原注左思魏都賦蓋音則學徒不至
有楚夏者土風之乖也
原注梁
傳陸
僅云
李業興學問深博而舊音不改則為梁人所笑原注北史
本鄴下人士音辭鄙陋風操拙則顏之推不願以為兒
師原注
家訓是則惟君子為能通天下之志蓋必自其發言始
也

金史國語解序曰今文尚書辭多奇澀蓋亦當世之方音
也

荀子每言案楚辭每言羌皆方音劉勰文心雕龍云張華
論韻謂士衡多楚可謂銜靈均之聲餘失黃鍾之正響也
國語

後魏初定中原軍容號令皆本國語後染華俗多不能通

故錄其本言相傳教習謂之國語孝文帝命侯伏侯可悉

陵以國語譯孝經之旨教於國人謂之國語孝經

原注並隋書經

籍志而歷考後魏北齊二書若孟威以明解北人語敕在著

作以備推訪孫搴以能通鮮卑語宣傳號令祖珽以解鮮

卑語免罪復參相府劉世清以能通四裔語爲當時第一

後主命作突厥語翻涅槃經以遺突厥可汗並見遇時主

寵絕羣僚然其官名制度無一不用漢語而魏孝文太和

十九年六月己亥詔不得以北俗之語言於朝廷違者免

所居官

原注魏書成陽王禧傳孝文引見朝臣詔斷北語一從正音禧贊成其事於是詔年三十已上習性

已久容或不可卒革三十已下見在朝廷之人語言不聽

仍舊若有故為當降爵黜官若仍舊俗恐數世之後伊維

之下復成彼髮之人朕嘗與李冲論此冲言四方之語竟

知誰是帝者言之即為正矣何必改舊從新冲之此言應

合死罪乃謂冲曰卿實北齊書高昂傳於時鮮卑共輕中

負社稷冲免冠陳謝

華朝士唯憚服於昂高祖每申令三軍常鮮卑語昂若在

列則為華言孝文用夏變夷之主齊神武亦英雄有大畧

者也契丹偏居北陲始以本國之言為官名號令而遼史

郝立國語解一篇自是金元亦多循之

錢氏曰元史而北無國語解

俗之語遂載之史書傳於後代矣

後魏平陽公丕傳丕雅愛本風不達新式至於變俗遷雒

改官制服禁絕舊言皆所不願帝亦不逼之但誘示大理令其不生同異變俗之難如此今則拓跋宇文之語不傳於史冊者已蕩然無餘一時眾楚之咻固不能勝三紀遷殷之化也

後唐康福善諸蕃語明宗聽政之暇每召入便殿咨訪時事福卽以蕃語奏之樞密使安重誨惡焉嘗面戒之曰康福但亂奏事有日斬之

外國風俗

歷九州之風俗攷前代之史書中國之不如外國者有之矣遼史言契丹部族生生之資仰給畜牧績毛飲漣以爲衣食各安舊風狃習勞事不見紛華異物而遷故家給人

足戎備整完卒之虎視四方強朝弱附金史世宗嘗謂宰臣曰朕嘗見女直風俗迄今不忘今之燕飲音樂皆習漢風非朕心所好東宮不知女直風俗第以朕故猶尙存之恐異日一變此風非長久之計他日與臣下論及古今又曰女直舊風雖不知書然其祭天地敬親戚尊者老接賓客信朋友禮意款曲皆出自然其善與古書所載無異汝輩不可忘也乃禁女直人不得改稱漢姓學南人衣裝犯者抵罪又曰女直舊風凡酒食會聚以騎射爲樂今則奕碁雙陸宜悉禁止令習騎射又曰遼不忘舊俗朕以爲是海陵習學漢人風俗是忘本也若依國家舊風四境可以無虞此長久之計也邵氏聞見錄言回紇風俗樸厚君臣

之等不甚異故眾志專一勁健無敵自有功於唐賜遺豐腴登里可汗始自尊大築宮室以居婦人有粉黛文繡之飾中國爲之虛耗而其俗亦壞昔者祭公謀父之言犬戎樹惇能帥舊德而守終純固由余之對穆公言戎夷之俗上含淳德以遇其下下懷忠信以事其上一國之政猶一身之治其所以有國而長世用此道也及乎薦居日久漸染華風不務詩書唯微玩好服飾競於無等財賄溢于靡用驕淫矜侈浸以成習於是中行有變俗之譏賈生有五餌之策又其末也則有如張昭遠以皇弟皇子喜俳優飾姬妾而卜沙陀之不永張舜民見太孫好音樂美姝名茶古畫而知契丹之將亡後之君子誠監於斯則知所以勝

之之道矣

史記言匈奴獄久者不過十日一國之囚不過數人鹽鐵
論言匈奴之俗略於文而敏於事宋鄧肅對高宗言外國
之巧在文書簡簡故速中國之患在文書繁繁故遲遼史
言朝廷之上事簡職專此遼之所以興也原注又曰皇帝
已下於中京居守一切公事除拜官僚止行堂帖權差俟
行在所取旨出給詔勅文官縣令錄事已下更不奏聞聽
中書銓選然則外國之能勝於中國者惟其簡易而已若舍其
所長而效人之短吾見其立弊也

金史食貨志言金起東海其俗純實可與返古初入中夏
民多流亡土多曠閒遺黎惴惴何求不獲於斯時縱不能
復井地溝洫之制若用唐之永業口分以制民產放其租

庸調之法以足國計何至百年之內所爲經畫紛紛然與其國相終始邪其弊在於急一時之利踵久壞之法及其
中葉鄙遼儉朴襲宋繁縟之文懲宋寬柔加遼操切之政
是棄二國之所長而併用其所短也繁縟勝必至於傷財
操切勝必至於害民訖金之世國用易匱民心易離豈不
繇是與作法不慎厥初變法以拯其弊祇益甚焉耳其論
金時之弊至爲明切

魏太武始制叛逆殺人姦盜之法號令明白政事清簡無
繫訊連逮之煩百姓安之宋余靖言燕薊之地陷入契丹
且百年而民亡南顧心者以契丹之法簡易鹽麴俱賤科
役不煩故也是則省刑薄斂之效無所分於中外矣

徙戎

武后時外國多遣子入侍其論欽陵阿史德元珍孫萬榮等皆因充侍子得徧觀中國形勢其後竟爲邊害先是天授三年左補闕薛謙光上疏曰臣聞戎夏不雜自古所誠蠻貊無信易動難安故斥居塞外不邇中國前史所稱其來久矣然而帝德廣被有時朝謁願受向化之誠請納梯山之禮貢事畢則歸其父母之國導以指南之車此三王之盛典也自漢魏以後遂革其風務飾虛名徵求侍子諭令解辮使襲衣冠築室京師不令歸國此又中葉之故事也較其利害則三王是而漢魏非論其得失則距邊長而徵質短殷鑒在昔豈可不慮昔郭欽獻策於武皇江統納諫

於惠主咸以戎翟人居必生事變晉帝不用二臣之遠策
好慕向化之虛名縱其習史漢等書官之以五部都尉此
皆計之失也竊惟突厥吐蕃契丹等往因入侍竝叨殊獎
或執戟丹墀策名戎秩或曳裾庠序高步黌門服改毳裘
語兼中夏明習漢法觀衣冠之儀目覽朝章知經國之要
窺成敗於圖史察安危於古今識邊塞之盈虛知山川之
險易或委以經畧之功令其展效或矜其首丘之志放使
歸蕃於國家雖有冠帶之名在戎人廣其縱橫之智雖有
慕化之美苟悅於當時而狼子野心旋生於異日及歸部
落鮮不稱兵邊鄙罹災實繇於此故老子曰國之利器不
可以示人在於齊人猶不可以示之況於寇戎乎謹按楚

申公巫臣奔晉而使於吳使其子狐庸爲吳行人教吳戰陳使之叛楚吳於是伐楚取巢取駕克棘入州來子反一歲七奔命其所以能謀楚良以此也又按漢書桓帝遷五部匈奴於汾晉其後卒有劉石之難向使五部不徙則晉祚猶未可量也鮮卑不遷幽州則慕容無中原之僭又按漢書陳湯云夫匈奴兵五而當漢兵一何者兵刃朴鈍弓弩不利今聞頗得漢巧然猶三而當一繇是言之利兵尙不可使敵人得法況處之中國而使之習見哉昔漢東平王請太史公書朝臣以爲太史公書有戰國從橫之說不可以與諸侯此則本朝諸王尙不可與況外國乎臣竊計秦并天下及劉項之際累載用兵人戶彫散以晉惠方之

八王之喪師輕於楚漢之割地冒頓之全實過於五部之微弱當曩時冒頓之彊盛乘中國之虛弊高祖餒見平城而冒頓不能入中國者何也非兵不足以侵諸夏力不足以破汾晉其所以解圍而縱高祖者爲不習中土之風不安中國之美生長積漠之北以穹廬勝於城邑以氍毹美於章紱旣安其所習而樂其所生是以無窺中國之心者爲生不習漢故也豈有心不樂漢而欲深入者乎劉元海五部離散之餘而卒能自振於中國者爲少居內地明習漢法非但元海悅漢而漢亦悅之一朝背誕四人

原注謂四民

響應遂鄙單于之號竊帝王之名賤沙漠而不居擁平陽而鼎峙者爲居漢故也向使元海不會內徙正當劫邊人

繪綵黼黻以歸陰山之北安能使倡亂邪當今皇風遐覃
含識革面凡在虺性莫不懷馴方使由余效忠日碑盡節
以臣愚慮者國家方傳無窮之祚於後脫備守不謹邊臣
失圖則狡寇稱兵不在方外非所以肥中國削外蕃經營
萬乘之業貽厥孫謀之道也臣愚以爲願充侍子者一皆
禁絕必若先在中國者亦不可更使歸蕃則戎人保疆邊
邑無事矣

明永樂宣德間韃靼來降多乞留居京師授以指揮千百
戶之職賜之俸祿及銀鈔衣服房屋什器安插居住名曰
降人正統元年十二月行在吏部主事李賢言臣聞帝王
之道在赤子黎民而禽獸蠻貊待黎民如赤子親之也待

蠻貊如禽獸疏之也雖聖人一視同仁其施也必自親以
及疏未有赤子不得其所而先施惠於禽獸況奪赤子之
食以養禽獸聖人忍爲之哉竊見京師降人不下萬餘較
之畿民三分之一其月支俸米較之在朝官員亦三分之
一而實支之數或全或半又倍蓰矣且以米俸言之在京
指揮使正三品該俸三十五石實支一石而達官則實支
十七石五斗是瞻京官十七員半矣夫以有限之糧而資
無限之費欲百姓富庶而倉廩充實未之有也近者連年
荒旱五穀不登而國家之用則不可缺是以天下米粟水
陸並進歲入京師數百萬石而軍民竭財殫力涉寒暑冒
風霜苦不勝言然後一夫得數斛米至京師者幸也若其

運至中途食不足衣不贍而有司督責之愈急是以不暇
救死往往就籍而亡者不可勝計其降人坐享俸祿施施
自得嗚呼既奪赤子之食以養禽獸而又驅其力使餽之
赤子卒至於饑困以死而禽獸則充實厭足仁人君子所
宜痛心者若夫俸祿所以養廉也今在朝官員皆實關俸
米一石以一身計之其日用之費不過十日況其父母妻
子乎臣以爲欲其無貪不可得也備邊所以禦侮也今邊
軍長居苦寒之地其所以保妻子禦饑寒者月糧而已糧
不足以贍其所需欲其守死不可得也今若去此降人臣
愚以爲除一害而得三利焉何則計降人一歲之俸不下
數十萬省之可以全生民之命可以贍邊軍之給可以足

京官之俸全生民之命則本固而邦寧也瞻邊軍之給則效死而守職也足京官之俸則知恥而守廉也得此三者利莫大焉臣又聞聖王之道貴乎消患於未萌易曰履霜堅冰至臣窺見達人來降絡繹不絕朝廷授以官職足其俸祿使之久處不去腥羶畿內無益之費尙不足惜又有甚焉者夫蕃人貪而好利乍臣乍叛荒忽無常彼來降者非心悅而誠服也實慕中國之利也且降人在彼未必不自種而食自織而衣今在中國則不勞力而坐享其有是故其來之不絕者中國誘之也誘之不衰則來之愈廣一旦邊方有警其勢必不自安矣前世劉石之亂可不鑒哉是故聖人以禽獸畜之其來也懲而禦之不使之久處其

去也守而備之不誘其復來其爲社稷生民之慮至深遠也近日邊塵數警而降人羣聚京師臣嘗恐懼而不安寢伏願陛下斷自宸衷爲萬世長久之計乞勅兵部將降人漸次調除天下各都司衛所彼勢旣分必能各安其生不惟省國家萬萬無益之費而又消其未萌之患矣上是其言

土木之變達官達軍之編置近畿者一時蠢動肆掠村莊至有驅迫漢人以歸寇者戶科給事中王竑翰林院侍講劉定之竝言宜設法遷徙俾居南土於是命左都督毛福壽充左副總兵選領河間東昌達軍往湖廣辰州等處征苗巡撫江西刑部右侍郎楊寧奏請賊平之後就分布彼

處各衛所守禦然其去者無多

（原注）大順元年七月丁丑兵部奏自正統七年至景

泰七年調去雲南廣東廣西福建等處隨征達官達軍共一千八百人

而天順初兵部尙書

陳汝言阿附權宦盡令取回遂令曹欽得結其驍豪與之同反而河間東昌之間至今響馬不絕亦自達軍倡之也明初安置土達於寧夏甘涼等處承平日久種類蕃息至成化四年遂有滿四之變

樓煩

樓煩乃趙西北邊之國其人強悍習騎射史記趙世家武靈王行新地遂出代西遇樓煩王於西河而致其兵致云者致其人而用之也是以楚漢之際多用樓煩人別爲一軍高祖功臣侯年表陽都侯丁復以趙將從起鄴至霸上

爲樓煩將而項羽本紀漢有善騎射者樓煩

原注應劭曰樓煩胡也今

樓煩縣按樓煩地大不止一縣之人

則漢有樓煩之兵矣灌嬰傳擊破柘公

王武斬樓煩將五人攻龍且生得樓煩將十人擊項籍軍

陳下斬樓煩將二人攻黥布別將于和斬樓煩將三人功

臣表平定侯齊受以驍騎都尉擊項籍得樓煩將則項王

及布亦各有樓煩之兵矣蓋自古用蠻夷攻中國者始自

周武王牧野之師有庸蜀羌髳微盧彭濮而晉襄公敗秦

于殽實用姜戎爲犄角之勢大者王小者霸於是武靈王

踵此用以謀秦而鮮卑突厥回紇沙陀自此不絕於中國

矣

吐蕃回紇

大抵外國之音皆無正字唐之吐蕃卽今之士魯番是也

唐之回紇卽今之回回是也唐書回紇一名回鶻元史有

畏兀兒部畏卽回兀卽鶻也其曰回回者亦回鶻之轉聲

也原注遼史天祚紀有回回國王元史太祖紀以回鶻

非也其謂元之畏兀卽回鶻之轉聲則是也元時畏兀兒

亦稱畏吾兒趙子昂譔趙國文定公碑云回鶻北庭人今

所謂畏吾兒也歐陽原功譔高昌侯氏家傳云俾兀者回

鶻之轉聲也其地本在哈刺和林今之寧路也後徙居

北庭北庭者今之別失八里城也會高昌國微乃併取高

昌有之高昌者今之哈刺和綽也偉兀亦畏兀之異文而

回鶻卽回紇趙歐二公言之詳矣回回與回鶻實非一種

元史太祖紀汪罕走河西回鶻回回三國世祖紀定擬軍

官格例以河西回回畏吾兒等依各官品充萬戶府達魯

花赤文宗紀各道廉訪司官用蒙古二人畏兀河西回回

漢人各一人薛塔刺海傳從征回回河西欽察畏吾兒諸

國明史哈密傳云其地種落雜居曰回回曰畏兀兒曰哈

刺灰不相統屬又云哈密故有回回畏兀兒哈刺灰三種

則回回與回鶻故區以別矣惟阿合馬本回回人而元史

姦臣傳以爲同銷其曰畏吾兒者又畏兀兒之轉聲也原注

冊府元龜按國史叙鐵勒種類云伊吾以西焉耆以北有契弊烏護統骨等部契弊則契苾也烏護則烏紇也後爲

回鶻統骨則統骨也轉爲黠戛斯蓋夷音有緩急卽傳譯語不同大明會典哈密古伊吾

廬地在燉煌北大磧外爲西域諸番往來要路其國部落

與回回畏兀兒三種雜居則回回與畏兀兒又爲二種矣

原注鄭所南心史畏吾兒乃韃靼爲父回回爲母者也錢氏曰心史乃偽造不可信自唐會昌中回

紇衰弱降幽州者前後三萬餘人皆散隸諸道始雜居於

中華而不變其本俗杜子美畱花門詩連雲屯左輔百里

見積雪李衛公上尊號玉冊文種類磐互縞衣如茶挾邪

作蠱浸淫字內今之遺風亦未衰於昔日也

舊唐書憲宗紀元和二年正月庚子回紇請於河南府太

原府置摩尼寺許之此卽今禮拜寺之所從立也

新唐書常袞傳言始回紇有戰功者得畱京師戎性易驕後乃創邸第佛祠或伏甲其間數出中渭橋與軍人格鬪奪含光門魚契走城外然則自肅代以來回紇固已有居京師者矣

實錄正統元年六月乙卯徙甘州涼州寄居回回於江南各衛凡四百三十六戶一千七百四十九口其時西陲有警不得已爲徙戎之策然其種類遂蕃於江左矣

原注正統三年

八月有歸附回回二百二人自涼州徙至浙江

明初於其來降者待之雖優而防之未嘗不至福建漳州衛指揮僉事楊榮因進表至京爲回回之編置漳州者寄

書於其同類奉旨坐以交通外夷黜爲爲事官於大同立功原注正統四年七月辛未其後文教涵濡戎心漸革而蠻貊之裔遂有登科第襲冠裳者惟回回自守其國俗終不肯變結成黨夥爲暴閭閻以累朝之德化而不能訓其頑犢之習所謂食桑甚而懷好音固難言之矣

天子無故不殺牛而今之回子終日殺牛爲膳宜先禁此則夷風可以漸革唐時赦文每日十惡五逆火光行劫持刃殺人官典犯賊屠牛鑄錢合造毒藥不在原赦之限可見古法以屠牛爲重也若韓滉之治江東以賊非牛酒不贖結乃禁屠牛以絕其謀此又明識之士所宜豫防者矣

西域天文

西域人善天文自古已然唐書泥婆羅國頗解推測盈虛
兼通歷術事天竺國善天文歷算之術尉賓國遣使進天
文經拂菻國其王城門樓中懸一大金稱以金丸十二枚
屬於衡端以候日之十二時爲一金人其大如人立於側
每至一時其金丸輒落鏗然發聲引唱以紀日時毫釐無
失蓋不始於回回西洋也

原注元史張思明傳大德初擢左司都事有獻西域稱法思明

以惑眾不用

王忠文禕集有阿都剌除回回司天少監誥曰天文之學
其出於西域者約而能精雖其術不與中國古法同然以
其多驗故近代多用之別設官署以掌其職

冊府元龜載開元七年吐火羅國王上表獻解天文人大

慕闢智慧幽深問無不知伏乞天恩喚取問諸教法知其
人有如此之藝能請置一法堂依本教供養此與今之利
瑪竇天主堂相似而不能行於元宗之世者豈非其時在
朝多學識之人哉

三韓

今人謂遼東爲三韓者考之書序成王旣伐東夷傳海東
諸夷駒麗扶餘軒狔之屬正義漢書有高駒麗扶餘韓無
此軒狔卽韓也音同而字異耳後漢光武紀建武二十年
東夷韓國人率眾詣樂浪內附東夷傳韓有三種一曰馬
韓二曰辰韓三曰升辰原注晉梁二書作升韓馬韓在西有五十四
國其北與樂浪南與倭接辰韓在東十有二國其北與滅

貊接弁辰在辰韓之南亦十有二國其南亦與倭接凡七十八國百濟是其一國焉大者萬餘戶小者數千家各在山海間地合方四千餘里東西以海爲限皆古之辰國也

馬韓最大共立其種爲辰王盡王三韓之地

原注漢書朝鮮傳箕番辰

國欲上書見天子又雍闕弗通師古曰辰謂辰韓之國史記誤作眞番旁衆國

三國魏志齊王正

始七年幽州刺史母丘儉破高句驪滅貊韓那奚等數十

國各率種落降陳畱王景元二年樂浪外夷韓濊貊各率其屬來朝貢晉書張華傳東夷馬韓新彌諸國依山帶海去州四千餘里歷世未附者二十餘國竝遣使朝獻杜氏通典三韓之地在海島之上朝鮮之東南此其封域與朝貢之本末也劉熙釋名韓羊韓兔韓雞本法出韓國所爲

也後魏陽固演蹟賦覩三韓之累累兮見卉服之悠悠此其風土也宋史天文志狗國四星在建星東南主三韓鮮卑烏桓獫狁沃沮之屬此其占象也宋史高麗傳言崇寧後始鑄三韓通寶而遼史外紀有高麗王子三韓國公勳三韓國公容三韓國公侯其地理志有高州三韓縣辰韓爲扶餘弁韓爲新羅原注北史以辰韓爲新羅馬韓爲高麗開泰中聖宗伐高麗俘三國之遺人置縣據此乃俘三國之人置縣於內地而取三韓之名爾原注正如漢時上郡有龜茲縣不可便以爲西域之國今人乃謂遼東爲三韓是以內地而目之爲外國也原其故本於天啟初失遼陽以後章奏之文遂有謂遼人爲三韓者外之也今遼人乃以之自稱夫亦自外也已

北史新羅者其先本辰韓種也地在高麗東南辰韓亦曰秦韓相傳言秦世亡人避役來適馬韓割其東界居之以秦人故名之曰秦韓其言語名物有似中國人辰韓王常用馬韓人作之世世相傳辰韓不得自立王明其流移之人故也恆爲馬韓所制辰韓之始有六國稍分爲十二新羅則其一也此又與前史不同而唐書東夷傳顯慶五年平百濟分其地置五都督府其一曰馬韓

大秦

今之佛經皆題云大秦鳩摩羅什譯謂是姚興國號非也

孫氏曰得探釋藏佛經皆題姚秦鳩摩羅什譯無有云大秦者不知亭林何據且鳩摩羅什生於天竺距大秦國尚遠不當題云大秦也大秦乃西域國名後漢書西域傳言大秦國在

海西地方數千里有四百餘城小國役屬者數十又云天竺國西與大秦通此其國名之偶同而傳以爲其人民皆長大平正有類中國故謂之大秦固未必然而晉書載記石季龍時有安定人侯子光自稱佛太子謂大秦國來當王小秦國以中國爲小秦則益爲夸誕矣

干陀利

韓文公廣州記

楊氏曰昌黎並無廣州記是送鄭權序耳

有干陀利注家皆闕

按梁書海南諸夷傳干陀利國在南海洲上其俗與林邑

扶南畧同出斑布吉貝檳榔檳榔特精好爲諸國之最

原注

梁王僧孺有謝賜干陀利所獻檳榔啟

干

周宏

正傳有罪應流徙勅以賜干陀

利國陳書世祖紀天嘉四年干陀利國遣使獻方物惟宋

書孝武帝紀孝建二年斤陀利國遣使獻方物原注南史同以

干爲斤疑誤汝成案梁書無周因正傳傳見陳書至有罪應流徙云云則見南史攷原本亦誤當是傳

寫時脫南史二字

日知錄集釋卷二十九終